

雖曰圖贊固未有圖序云向中是徵言表即  
見蓋自謂其形容之妙不必有圖而已不啻  
圖之故名曰圖贊胡安世嘗入本朝此箋猶  
作于崇禎間也安世又有補異魚圖贊三卷

異魚圖贊引

有西州畫史錄南朝異魚圖將補繪之予閱其名多踈錯文不雅馴乃取萬震沈懷遠之物志效郭璞張駿之贊體或述其成製或演以新文其辭質而不文明而不晦簡而易盡韻而易諷句中足徵言表卽見不必張之粉繪幪之謚彩矣異鄉素居枕疾罕營爲之猶賢聊以永日

魚圖三卷贊八十六首異魚八十七種

附以螺貝蜃蚌海錯爲第四卷贊三十首海物三十

五種總之凡一百二十二種

嘉靖甲辰十一月望日升庵楊慎書

異魚圖贊箋叙

客嘗執是編而問曰用脩豈有託乎始鯤終鯨志辨化  
信也志京觀義也附始膏以自焚之鼃志懲賄智也終  
離以著象之廬志式度禮也余曰唯唯否否試類廣之  
東方蒼龍之宿蟲之鱗者屬焉春令蟲鱗而大人之占  
曰衆維魚矣實維豐年豈非天地仁厚之氣先於在淵  
見端哉聖人作則畜四靈先厯洽鮪失情之慮甚深遠  
矣其見于易貫以率類包不及賓信著中孚物性應感  
未可盡誣也序詩者曰天保以上治內采薇以下治外

始於憂勤終於逸樂於是萬物盛多能備禮可告功神明而魚麗詠焉至魚在在藻則慶遂性而德至淵泉三星在罾則傷無魚而百物雕耗魚無當于盛衰而盛衰之兆繇之奚翅感陽而陟食清而游符于君子出處之道足以引情濠梁上哉贊圖者偶也箋補贊者亦偶也嗣閱箋而有感未必非偶也是編亦可以興乎

崇禎庚午仲春望秀巖隱史胡世安書

### 異魚圖贊跋

予作異魚圖贊間出以示好事者或獻疑曰爾雅注蟲魚定非磊落人子不見韓子之詩乎予曰韓子有爲言之也跡其焚膏繼晷之際口吟手披之餘遇蟲名魚字將刪之乎老子云美言不信而五千之言未嘗不美莊子欲絕學而莊子何嘗不學蘇子謂人生識字憂患始其欲人盡不識字乎如此之類古人善戲謔自揶揄之一機也雖然不可以訓若孔子則豈其然教小子以學詩終于多識則蟲魚固在其中矣孔子豈非磊落人哉

近之不悅學者逞逞拾古人善謔之言以爲不肖護躬  
之符可笑且悼克類其說則伏獵弄麀之侍郎長鎗大  
劍之將軍一一皆磊落人也夫升庵載識

異魚圖贊箋目錄

卷一

總贊

鯤 一作鱓按爾雅郭注凡魚之子總名鯤邢疏詩

其魚魴鰈鄭云鰈魚子鯤鰈蓋古字通用也魯語

里革曰魚禁鯤魴亦以鯤爲魚子也張揖廣雅鯢

居冢切鯢也

魴鯉 爾雅埤雅爾雅翼本艸諸書皆以魴一名鯢

音比今之鰮也惟說文分釋魴赤尾魚或从旁作魴

而趙宦光箋之曰詩魴魚經尾傳者以編訓大小殊絕互詳編箋魴形濶而短故从方魴體薄弱止必相傍或傍厓石漁人設房水中以羨取之故重文从旁按爾雅另標魴音大鱖小者魴則魴似有二○李時珍云鯉鱗有十字文理故名

赤鯉

嘉魚 或各丙穴魚

蒲魚

八魚異性色

魴魴

魴 古作鱣卽今鯽字諸本皆如此惟說文趙箋云方言稱土魴此魚坳土而浮一說卽鱣同非是

魴 詩傳訓鱣按鱣有黃白二種池畜之肥者黃者頭大俗呼滂鱣滂者鱣之譌也魴色白北土皆呼白魴諸說皆云卽鱣或云卽鱣惟時珍以鱣另種詳箋又鱣有黑魴之說一名阜魴

鱣 一名赤眼魚

鯽魚 說文作鯽以其背隆起如劔脊故從脊互見

鮒釋又一種鮓魚似鯽而味殊功異

鯨魚 說文飲而不食刀魚也趙夔江南在在有之

海出者佳而孕子江出大而不孕湖出有大小二

種並味薄不珍○一名鱗魚一名鯨魚一名鱈刀

一名魴魚音道亦魚一名望魚按贊止標

山海經而未及其狀也又爾雅鮓黑鮓

鱸魚 松人名四腮魚

鱠 釋名鱠一名鱠魚一名王鮪一名碧魚今遼

人名乞里麻魚亦通作鱠或作淫傳曰伯牙鼓琴

淫魚出聽是也○鱣一作鱣釋名鱣魚一名黃魚

一名蠟魚一名玉版魚異物志舍光魚按二魚相

屬而殊產不得混作一物

洄魚 一名鱈魚爾雅郭注似鮓而大白色邢疏大

者別名鮓小者別名鮓也陶弘景云鱈似鯽而大

鮓似鯽而色黃韓保昇云口腹俱大者名鱈背青

口小者名鮓背黃腹白者名鮓二說豈盡耳食而

時珍又別據以俱駁之按說文鱣訓鱣鯪訓鱣

時魚 一作鱣說文長箋引呂覽東海之鮓云或作

鱒

鯪魚 一作鯪 一名鯪 一名鮎 說文訓大鮎

鯪

鯪音魚

鯪

郎君子鯪 按此當入海錯不應附此

鱒 此鱒字之誤亦當附鯪

鯪 二贊鯪鯪全

解鮠 二贊音敷沛本草海豚魚一名海豬生江中

者名江豚或名江豬或名水豬一名鯪魚一名儻魚

魚舅 一名當互

弓魚

鮠魚 疑鮠兒魚

卷二

鮠魚 一名鮠鯪 一名龍鯪 一名石鮠魚 一名穿山

甲爾雅翼又名鮠牙以居土穴蓋獸之類非魚屬也特其鱗色相若耳天問鮠魚何所桺對鮠魚入



貌邇列姑射柳徑以鮫作陵魚矣釋引山海經所謂西海中近列姑射山有陵魚人面人手魚身見則風濤起者耳非此物

勁鰭 按本草鰭即鮫魚今標勁鰭豈南越另有此

一種耶但洞腹養子之說則一也其字鵠錯二音

石首魚 嶺表錄名石頭魚拾遺錄名鮓魚浙志名

江魚臨海志名黃花魚或以鰓即此魚而本草分

標別有一種鰓魚亦同冒鮓名者非一類又石首

亦有黃魚之稱

石首化鳧

比目魚 一名鰈一名鰓一名鮓一名鮓一名鮓一名鮓

魚一名婢篋一名奴屨一名版魚一名箬葉魚

王餘 諸說以即比目单片雖相沿已久不如爾雅

翼本草綱目分標較覈

鰓魚 山海經名人魚爾雅一名鮓蜀人名鮓音秦

人名鮓音塔與比拾遺名鮓魚與海中鯨雌同名

異物

鰓魚 鮓亦冒鰓名

魚圖考卷一  
目録  
五  
文魮 二贊一名鴛鴦

飛魚 文魮亦有此名

王魮 卽鰓詳前并箋

丹魚

鮐魚

望魚 詳紫釋

鮫 二贊一名沙魚同一名鰈魚一名鰻魚與石決

明同名而異物一名溜魚尚有多名詳箋或曰本

名駿音訛作鮫按鰈鮫沙魚諸說多通系之

龍魚 二贊一名龍鯉又混鮫名

烏魚 卽鱧說文訓鰻也一名蠶魚一名黑鱧一名

玄鱧一名烏鱧一名鮓魚邢疏卽今鱣也一名文

魚又名鱣俗呼火柴頭魚蘇頌圖經引毛詩注謂

鱧卽鮠誤矣

瓊魚

石柱魚 卽鰻魚一名鱮魚一名水豚又有鮓稱又

小魚亦有鰻名見王餘與鱣箋

橫公魚 一作黃公魚

卷三

髮魚

琵琶魚

含光魚

即鱸詳前鯉釋并箋

鯪魚

鯪之譌

婢屣奴屨

即比目魚

石斑魚

戴星魚

鱸魚

即鯛魚

鰲魚

文字集略亦作鯨

祭制二音

又鰲亦冒鰲名

鰓魚

見鮓箋

何羅魚

鯛魚

鯧魚

山海經名鯧

古音切

鮒鮓鱸鯨

按說文鱸鯨當是鮓鮓之譌

居六切

鮓

符分切訓出

鮓

即古切

鮓

博蓋切

鮓

盧各切

鮓

互見鮓釋

鮓

烏鰂 三贊一作烏賊一作烏則一名墨魚一名纜魚鹽乾者名明鯨淡乾者名脯鯨

鰻鱺 一名白鰻一名蛇魚乾者名風鰻又一種海鰻鱺亦名慈鰻鱺亦名狗魚原二字合呼一說粉色者鰻蒼無粉者鱺

青魚 亦作鯖漁書云即草魚之青者

魴 此字說文訓蚌也兵永切贊引石鼓文當作魴與鰻鱺同舊皆訓即魴惟趙箋云鰻魴形似體薄而廣鰻大者五六斤魴不盈銖兩雄魴鱗有五色

鰻惟縹白而已詩傳以鰻訓魴亦猶鱣鱠之誤大抵物非親炙即毋曼訓

竹頭鯉魚

鱈 音步說文即鱈本草即鱈

魼 即黃頰魚古名黃鱠魚詩注名黃頰魚與鰻同此名

食療作黃頰魚亦無鱗不益人一名魼魼一名魼

魼類類以形鱠以味央軋以聲也今人析而呼黃

魼黃魼或以陸機作黃揚訛按詩古文魚麗于罍

揚鯊說文訓鱠揚也說苑投綸錯餌迎而吸之者

揚喬也則揚之呼亦古矣

沙魚 爾雅作鯨一名鮓郭注今吹沙小魚一名沙

溝魚 一名沙鯪音問一名阿浪魚

鱣魚 異苑作黃鯪

蘆鯀

鱖魚

鱉 即鯀鯀

海鱮 詳爾雅翼埤雅小者名泥鱮一名鱮

鯨 三贊古作鯨或作鯨

卷四

鼉

鼉 一作蚺蟬本草綱目即蟬龜一名嘴嘴音茲夷

一名靈蟬一名靈龜一名負負音戲備雜俎作係臂

者非或云大者為嘴蟬負負小者鼉鼉甚通

海月 本草拾遺另標綱目釋名即作江珧

海鏡 二贊又名鏡魚

陵龍

山螭 互詳鼉鼉釋按諸說則秦龜是山龜嘴螭是

澤龜與

水蠃

海蛤 李時珍云海蛤者諸蛤爛殼之總稱不專指一蛤也舊本一名魁蛤則又指是一物矣允宜正之不得以萬贊拘也

江瑤柱 二贊本草以即海月

紫絙 一名紫藍音餘名見箋

石決明 贊即作鯨李時珍云陶作紫貝雷氏作真珠牡楊倞注荀作龜脚皆非惟鯨是一種二類故

功用相同詳本草殼各千里光

東海夫人 菜名淡以味殼以形夫人以似也

海牛 詩義疏名魚狸魚之大而有力者又鱣亦有  
力魚

大蟹

彭蠡

沙狗

擁劍

招潮

倚望

石蜩 蜂江 盧虎

車螯

蠣房

蚶子 蚶亦作鮓一名魁蛤一名伏老餘各詳箋廣人又謂之蜜丁各醫別錄作活東誤活東蚶蚶也見爾雅箋附二贊

貝 一名貝齒一名白貝一名海肥別有紫貝各文貝又名研螺者珂名馬軻螺又名玳音恤者徐衷作

馬珂通典云老鷗入海為玳即軻也皆貝類本草分列之箋附二贊

蚌 原一贊今補郭贊列前

螺 又拾遺海贏圖經名流螺交州記名假豬螺音掩名甲香

蜃 按雉化者是車螯之蜃氣成樓臺者是蛟類之蜃如贊徑作一物矣

麈 品脾排三音一名馬刀一名馬蛤一名齊蛤一名蛭一名婷音亭一名單音善母一名煇音掣

異魚圖贊箋目錄 終

異魚圖贊箋卷一

蜀新都楊 慎用修甫著

仙井胡世安處靜甫箋

弟胡世遠凝之甫較

總贊

魚之為字燕尾相似水蟲之中實繁厥類鱗鬣風濤抑  
龍之次百種千名研桑莫記圖贊所取亦祇以異

鱗物說文夔水蟲也象形魚尾與燕相似故然作四  
點非火非炙魚部凡一百有三始鱣終鯨○淮南子



鱗蟲三百六十而神龍爲之長又云介鱗生蛟龍蛟  
龍生鯤鯢生鯁鯁生建邪建邪生庶魚凡鱗者生于  
庶魚介瑱生龍先龍先生玄鼈玄鼈生靈龜靈龜生  
庶龜凡介者生于庶龜注介鱗鱗之先介瑱介之先  
也按段成式以龜爲旣此蓋龜魚之始也○符子觀  
于龍門有魚奮鱗鼓鬣登乎龍門而爲龍以實應也  
○神農書龍八十一鱗具九九之數鯉三十六鱗具  
六六之數乾坤之用也鯉爲魚王故爾雅釋魚以寇  
篇

鯢

鯢本魚子細如蠶茸莊周寓言鯢化爲鵬譬彼詩頌雕  
育桃蟲千古言詮誰發其朦

莊子北溟有魚其名爲鯢鯢之大不知其幾萬里此  
寓言也按內則卯醬卯音鯢國語魚禁鯢鮠皆以鯢  
爲魚子至小之物莊子乃以至小爲至大便是滑稽  
之開端後人不得其意晉江道詩巨鼈戴蓬萊大鯢  
運天池倏忽雲雨興俯仰三洲移孫放詩巨細同一  
馬物化無常歸修鯢解長鱗鵬起扇雲飛撫翼搏積

風仰凌垂。大輦皆不得其言詮也。雖郭象之玄奧，沉思亦誤。況司馬彪輩乎？後世禪宗衲子，却得其意。故有龜毛兔角、石女懷胎，一口吸盡西江水。新羅日午打三更之偈，亦可信以爲實事耶？余嘗謂天地乃一大戲場，典籍乃古今大劇本，千載而下不得其解，皆矮人觀場也。元儒南充范無隱有是說，而余推衍之。

弁菴原注

載按字書亦巨魚魚子並注應兩存之

### 魴鯉

伊雒魴鯉天下最美，伊雒魴貴于牛羊，雒水渾深宜鯉，伊水清

### 下不如

河雒記引諺

里語。雒鯉伊魴貴于牛羊，言雒水渾深宜鯉，伊水清淺宜魴也。又曰：居就糧，梁水魴今遼東梁水之魴，特肥而厚。○汝墳註魴身廣而薄，少力細鱗，尾白。廣州記：廣而肥，甜魚之美者也。埤雅云：魴一名鯪，今之青編細鱗，縮項濶腹魚之美者。然弱魚也。其廣方其厚，褊故。一曰魴，一曰編，爾雅翼說苑陽晝曰：夫投綸錯餌，迎而吸之者，陽橋也。其爲魚也薄而不美，若亡若存，若食若不食者，魴也。其爲魚也博而味厚，今網罟

異魚圖贊卷一  
者乃以魴易取豈難于釣而易于網耶詩稱魴魚頰尾說者以魚勞則尾赤左傳如魚窺尾衡流而方羊喬焉鄭氏以魚肥則尾赤二說雖不同然魚肥則不耐勞不耐勞則易赤以魴言之其體博大而肥不能運其尾加之以衡流則其勞甚矣宜其尾之頰也○林日瑞漁書海魴身扁而博縮頭穹脊兩傍似翼上青而腹白有尾長似牛尾肉無細骨尾中有刺捕者多爲所螫尚有黃魴黑魴燕魴味佳而無尾錦魴皮有硬珠似沙皮可以飾劍又一種名金絲魴出自閩

福寧肉有絲如金色味甚佳毛詩所云皆河產也與海產不倫○神農書鯉最爲魚之至今人以盤水養之雖困鱗不反白蓋健魚也續博物志鯉魚大小脊並三十六鱗雜俎亦云脊鱗一道每鱗有小黑點大者皆三十六鱗古語云五尺之鯉與一寸之鯉大小雖殊而鱗之數等是也述異記鯉魚滿三百六十蛟龍輒率而飛去一年置一神守之則不去矣神龜也○陶朱公曰以六畝地爲池池中有九洲則周遠無窟自謂江湖也求懷子鯉魚三赤尺者二十頭牡鯉

魚三赤者四頭以二月上庚日內全納池中令水無聲  
魚必佳一作生所以養鯉者鯉不相食易長也至四月內  
一神守六月內二神守八月內三神守神守者鼈也  
內之則魚不飛去至來年二月可得一赤者一萬五  
千二赤者四萬五千三赤者萬枚直五千可得榆莢  
一年二十五萬又明年一赤者十萬二赤者五萬三  
赤者五萬四赤者四萬留二赤者二千爲種餘可得  
榆莢五百十五萬候至來年不可勝計也九洲八谷  
谷上立水二赤谷中立水六赤○宋費樞釣磯立談

○  
云鯉一名稗龍

赤鯉

霧光憤世自投盧川盧川水伯赤鯉送旃易名琴高化  
形而仙至今揚光清冷之淵

事見符子及吳地記畫圖有水仙乘赤鯉者卽其人

按列仙傳及一統志琴高趙人

一云涇縣

爲宋康王舍人

善鼓琴行彭涓之術浮游冀涿間二百餘年後入碭  
水中取龍子與諸弟子期曰當潔齋待我於水傍果

乘赤鯉來出留一月復入水去魏都賦琴高入水而不濡時乘赤鯉而周旋陶弘景云鯉爲諸魚之長形既可愛又能神變乃至飛越江湖所以仙人琴高乘之也○崔豹云交州人呼赤鯉爲玄駒白鯉爲白驥黃鯉爲黃騅雜俎唐律鯉號赤鯉公○博異記王昌齡誤投金錯刀水中忽有赤鯉入舟剖腹得刀○又述異記江陰北有子英廟子英卽野人也善入水捕魚得一赤鯉將着家池中養之後長徑一丈有角翅謂子英曰我迎汝身汝上我背遂升於天爲神仙晉

時人○一種通身紅如金曰金鯉一種尾如鳧或三岐或兩岐曰金鳧魚宋高宗養之池中寘水銀其下者也時金元昌而翫以爲樂悖矣

### 嘉魚

南有嘉魚出于丙穴黃河味魚佳味相頡最宜爲鮓以蕉葉不爾脂腴將滴火滅

詩南有嘉魚烝然罩罩雜見水經蜀都賦任豫益州記樊綽雲南記博物志丙穴穴向丙也餘東序錄謂丙日嘉魚出穴河陽稱鮓魚言味美也按蜀志成都

諸縣皆有細鱗似鱒俗謂拙魚言性鈍也夔府達州  
東北明通廢縣井峽中凡十穴皆產嘉魚春社前即  
出穴秋社即歸其出也止于巴渠龍脊灘首有黑點  
謂照映星象相感而成長身細鱗肉白如玉其味自  
鹹蓋食鹹泉也他如開縣石門山盤頭洞梁山縣栢  
枝山下雅州城南皆產皆丙穴又沔縣大景山與小  
景山相連有穴方圓三丈餘其口向丙有水潛流二  
三月有魚長八九寸從穴中出公孫述傳蜀有魚鹽  
兩穴利注漢中二魚穴常以三月取之穴口向丙食

乳水味美食之令人肥徒悅澤故名埤雅嘉魚鯉質  
鱒鱗肌肉甚美食乳泉出丙穴○味魚出黃河口東  
山經諸鉤山廣圓百里多寐魚按寐即鮓音味嘉魚  
類也○范成大桂海虞衡志嘉魚狀如小鱒魚多脂  
味極腴美出梧州大山人作鮓餉遠○劉恂嶺表錄  
蒼梧戎縣江水日出嘉魚肥美衆魚所莫及每炙食  
以芭蕉隔火恐脂滴火滅也又可作艇○潯州貴縣  
西有嘉魚井泉通江中中有嘉魚臨水觀之歷歷可  
數○錄異記嘉魚鮠魚也形如鱒人以芭蕉隔火炙

之肥美莫及宋祁方物贊云南有丙穴厥產嘉魚鯉質鱗鱗爲味珍腴

蒲魚

蜀有蒲魚其形如粥出于郫縣蒲村之麓

魏武帝四時食制

或曰鱧魚今廣州亦曰蒲魚杜詩魚知丙穴絲來美酒憶郫筒不用沽注引沔南丙穴沔去郫千里不應遠取蓋卽此魚也其魚亦出于穴韓詩蒲魚尾如蛇口眼不相營

八魚異性色

鯉偃鯉俯鱧圓魴方鱧青鱠赤鰻白鱠黃

陸佃

說文鯉大鮪本作鯢亦作鯢偃額兩目上陳額大尾小身滑無鱗一云白額魚性好偃或云偃訓匿鮪善自藏以避罔罟故從匿魚麗註鯢也○鯉赤鱗浮泳水中首俛于尾或作鯢鯢按篇海鯢牌皮二音黑鯢鯢音東似鯉○鱧鮠也爾雅翼鱧魚圓長斑點有七作北斗象夜則仰首向北拱之卽今黑鯉○魴縮項穹脊細鱗博腹其味腴其色青白以體方故名○鱧大青魚詳後青魚箋○鯢似鱧而大色赤一曰惟鯢

魚良其口濶而益首似鯉而身圓食草而易長謂之  
草魚爾雅翼作鮠按本草鮠音患魚一名鮠音緩魚一名  
草魚郭璞作鱠其性舒緩故有緩名因食草又有草  
名李時珍云形長身圓肉厚而鬆狀類青魚又有青  
鮠白鮠二種白者味勝商人多鮠之○鰻似鱸無鱗  
甲腹下白背青色有雄無雌以影漫鱧而生子故名  
亦作鱠廣韻鰻鰼鰼一物耳○詩注鱸鰻也今黃  
頰魚似燕頭魚身形厚而長大頰骨正黃魚之大而  
有力解飛者釋名黃頰魚續博物志食黃頰魚後飲

荆芥湯必死一名揚合黃舊說此魚膽春夏近下秋  
冬近上

鱣鮓

清檢出佳鱣濁檢出好鮓美珍于常味取以二月初水經注

一統志沔縣度水有二源曰清檢濁檢在今陽平關

清水出鱣魚濁水出鮓魚味皆美常以二八月取之

○李時珍云酒之美者曰醖魚之美者曰鱣陸佃云

好羣行相與也故名鱣相連也故名鱣傳云魚屬連

行是已○博雅鱣魚名鮓鱣按南山經旄山蒼體之



水出焉西注于展水中多鱧魚注今其狀如鯉而大  
首食者不疣又欽山師水出焉太山鉤水出焉北注  
勞水中皆多鱧

鮒

洞庭之鮒出于江浸即岷或作汶弘一作紅腴青顱朱尾碧鱗

劉邵七華節文

鮒一名鱣呂子曰魚之美者洞庭之鮒其魚肉厚味  
美性不食釣本草云即鮒色黑而體促腹大而脊隆  
所在池沼皆有之埤雅此魚旅行吹沫如星以相即

曰鮒以相附曰鮒易井谷射鮒少牢饋食曰魚用鮒  
十有五而俎月十五日而盈也蓋美鮒也○神異經  
東南海中有温湖鮒魚生焉食之宜暑而避風寒○  
養魚經有土附之魚似黑鯉而短小附土而行不似  
他魚浮水故名京口錄首大而身小謂之吐鮒○兩  
航雜錄吐哺魚名土附以其附土而行也或曰食物  
嚼而吐之故名未審一種否

鱣

緝調餌芳可獲鱣魚網魚得鱣不如噉茹或名曰鱣其

性慵如 說苑子賤語又古諺

埤雅鯁性亦旅行故制字從與釋名亦稱鯁失水卽死弱魚也亦作鯁敝笱註謂似鯁厚而頭大李時珍云狀似鱮而頭小形扁細鱗肥腹其色最白故西征賦云華魴躍鱗素鯁揚鬐○六韜緡隆餌重則嘉魚食之緡調餌芳則庸魚食之庸魚鱮也似鱮而黑大首性慵弱不健魚之不美者故有不如啖茹之諺一說鯁食草鯁食鯁矢故以爲不美然詩稱孔樂韓土川澤許許魴鯁甫甫則昔人美之矣○說文鱮本作

鱮一名鯁幽州曰胡鱮按本草鱮一名鱣魚中之下品蓋庸常以供羞食者故名鄭玄作溶魚李時珍云狀似鯁而色黑其頭最大有至四五十斤味亞于鯁鯁之美在腹鱮之美在頭或以鯁鱮一物誤矣首之大小色之黑白大不相侔又按釋名鱣魚似牛音如豕目旁有骨食之鯁人不可出曰乙惟東海鱣魚有之非爾雅魚腸曰乙也據二說則鱮鱣俱非鯁豈有另種同名者耶

鱮

鞏雒之鱒割以爲齋分芒析縷細亂蠻足

張平子七問節文

爾雅鮒鱒注赤目魚似鱣而小多獨行故从尊此魚處處有之赤脉貫瞳身圓而長鱗細于鱣青質赤章好食螺蚌善于遊網者是矣○養魚經有難長之秧曰猛艘其首黃色曰螺師青以其食螺師也故名爾雅翼鱒魚食螺蚌是也其口尖期年而鼻竅始通不得通則死長至尺許乃易大○詩九戩之魚鱒魴蓋鱒員魴方君子道以員內義以方外周公之德具焉故詩以取喻

### 鯽魚

滇池鯽魚冬月可薦中含腴白號水母線北客午餐以爲麵纜

樊綽

甫夷志蒙舍地有鯽魚大者重五斤西洱河及滇池冬月多鯽魚○孟詵云鯽魚平胃氣調中益五藏和尊作羹食良又鯽魚狀頗同味則有殊鱖是櫛化鯽是稷米所化其魚腹上猶有米色寬大者是鯽背高腹狹小者鱖功稍不及鯽按米化之說恐不盡然○李時珍云鯽喜猥泥不食雜物故能補胃冬月肉厚

子多其味尤美丹溪云諸魚屬火獨鯽魚屬土有調胃實腸之功但多食亦能動火○神異經潯陽青林湖鯽大者二尺餘小者滿尺食之肥美可止寒熱又東南海內祖洲上有恒湖鯽長八尺食之宜暑而避風○志安福蜜湖產鯽味甘如蜜奉化出青鯽佳石門青陽潭出石鯽魚又有重唇魚雙鱗魚皆鯽類奇品也又滁州成濠出風鯽甚巨○范蠡種魚經以竹刀剖活鯽入水銀少許同水滓油菜裹之和拌納魚腹中再以菜裹魚懸空處四十九日取河水一盆用

魚腹中子一二粒置中以物蓋之少時一粒卽成一魚

### 鯮魚

浮玉之山北望具區茗水出焉中多鯮魚胡蝶所化列  
慶長須

山海經浮玉山北望具區茗水出于其陰中多鯮魚又汾水多魮魚狀如儵而赤鱗其音如叱食之不驕尾有毒按汾產似另種○爾雅鯮鱖乃注鯮魚蘇子瞻知有江南風物否桃花流水鯮魚肥注狹薄長鬚

太湖中饒○黃省曾養魚經紫狹薄而首大長者盈尺俗呼刀鱗初春出于湖○馮元成雨航雜錄紫刀魚一名魮與石首魚皆以三月八日出文選所謂鱧魮順時而往還是也子多而肥腹皆似刀夏初曝乾可以致遠又名鰲○李時珍云卽鱗生江湖中三月始出狀如削木片亦如長薄尖刀形細鱗白色吻上有二硬須腮下有長鬣如麥芒腹下有硬角刺快利若刀腹後近尾有短鬣肉中多細刺煎炙或作鮓鱮皆美烹煮不如淮南子紫魚飲而不食鱣鮪食而不

飲○嶺表錄異嘗有人浮南海泊于孤岸忽有一物如蒲帆飛過海將近舟舟人競以物擊之如帆者盡碎墜舟上視之乃蛺蝶也去其翅足秤之得肉八十八斤噉之肥美如魚此蓋蝶將入水化魚也胡蝶化魚此一證

鱸魚

鱸魚肉白如雪不腥東南佳味四腮獨稱金蓋玉膾擅美寧馨

吳都鱸魚膾八九月霜下時收鱸三尺以下劈作膾

浸洗布包，瀝水乾，置盤內，取香柔花葉，相間切，葱和  
鱸拌令勻，霜鱸肉白如雪，且不腥，名金蓋玉膾。東南佳  
志華亭谷有水，縈繞百餘里，乃長泖之異名。出鱸魚  
按鱸出松江者，獨四腮。隋煬帝謂金蓋玉膾，東南佳  
味，亦見拾遺記。○養魚經：鱸魚四腮，巨口而細鱗，非  
江海之產，則三腮。金谷園記：秋中，繇海而入江，可以  
作鱸。京口錄有二種，曰脆鱸，曰爛鱸。閩志：鱸身有黑  
文，按黑色曰盧，此魚白質黑章，故名李時珍云：出以  
四五月，長僅數寸，狀似鱖。

鱮魚

鱮魚逆流，不過鎖江。

在叙州

灘崩秭歸。

癸卯年事

又隔巫陽魚

官空設玉板，不嘗。

鱮鱖鱠全養魚，經江海之產，有鱮鱖之魚，其長丈餘，  
鼻端有肉骨，四分身之一，兩頰之肉，謂之鹿頭，可以  
爲鮓。京口錄云：是兩種鱖，肉色白，鱖肉色黃。廣州謂  
之鱖龍之魚，云類龍而無角。按釋名：鱮王鮓也。碩人  
註：鱮魚似龍，黃色，銳頭，口在頷下，背上腹下皆有甲。  
大者千餘斤，鮓似鱮而小，黑青色。○陳藏器云：鱮魚

味甘平無毒主益氣補虛令人肥健生江中背如龍  
長一二丈鼻上肉作脯名鹿頭一名鹿肉補虛下氣  
子如小豆食之肥美殺腹內小蟲○續博物志鱣無  
鱗長鼻軟骨俗謂玉板江東呼黃魚南越志鱣屬長  
數丈而骨可啖似黃鮓而長其魚大如五斗奩每三  
月中從河上于孟津捕之黃肥堪作鮓○黃衷海語  
鯉有二種常鯉類鮓魚而小河海皆產也海鯉身首  
差短歲二八月羣至數百騰于沙嶼移時化爲鳥俗  
呼火鳩是也海濱居民候其上也譟而驚之化者纔

十五鱗鬣全不開者不全化矣居人羞者市者瀕海

皆足

鱣釋名黃魚大者曰玉鱣一名鱣  
魚一名玉版魚詳後鯉魚舍光二箋

### 洄魚

河豚藥人時魚多骨兼此二美而無兩毒粉紅雪白洄  
魚堪錄西施乳浦水羊胛熟

釋名鮓卽鮓李時珍云鮓生江淮間無鱗魚亦鱣屬  
也頭尾身髻俱似鱣狀惟鼻短爾口目亦在頷下骨  
不柔脆腹似鮓魚背有肉髻尾有岐北人呼鱣南人  
呼鮓並與鮓音相近今通稱鮓而鱣鮓之名不彰矣

其名鰈者，鰈音之轉。秦人謂其發癩，又稱鱣魚。○漁書一云：鮪魚生海中大如石首，不腥，作膾如雪。隋吳都進鮪魚膾，取快日曝乾，瓶盛，臨時以布裹水浸用。與祁膾無異。○補筆談一卷內載河豚，鮪鮪回規之，辨甚詳。海語云：河豚出于江湖者，皆不盈尺。海中大者如豕，腹雜紅黃，文采可玩。常魚率順水而遊，此則旋廻戲躍，噴沫之聲，鳥鳥如訓。狐舩人聞其聲，知其下有河豚也。以小絙繫叉鏢擲而獲之，有重數十斤者。○李時珍云：河豚狀如科斗，大者尺餘，背色青白。

有黃縷文，無鱗，無腮，無膽，腹下白而不光，率以三頭相從爲一部。彼人春月甚貴之，尤重其乳。原有二種，色炎黑，有文點者，名斑魚，毒最甚。陶覽云：河豚魚雖小而獺及大魚不敢啖之。王充論衡云：萬物含太陽火氣而生者，皆有毒。在魚則鮭與鱈，故鮭肝死人。鱈鮪螫人。○談乘水鹹淡之交，出河豚，怒氣滿腹，腹中之脍曰西施乳。博雅云：鮪，鮪也。觸物卽怒，鮪卽豚。按唐平曾獻李固鮪，鮪賦言此魚觸物而怒，翻身。上波錄異記：鮪魚文斑如虎，俗云煮之不熟食者。



必死饒州有吳生因誤傷妻成訟舉族懼有明刑之  
辱餉以生鯁鯁如是數四竟不能害益加充悅俄會  
赦胤嗣繁衍以壽終○雨航雜錄黃駒卽鯢魚俗所  
謂河豚也一名鮭一名噴一名鮓一名鴨夷一名鯁  
鮐其肝最毒獨眼者尤甚海上人得之去其頭尾用  
橄欖甘蔗煮之然初出時可食至後則其毒尤甚諺  
曰蘆青長一尺不與河豚作主客予鄉春時延客不  
得此爲不敬然亦有食而死者或曰煮熟則無患多  
食亦發瘍厚生者所當慎樂濟人名烏狼膏○陳藏

器云鯢魚肝及子有大毒入口爛舌入腹爛腸肉小  
毒人亦食之煮之不可近鐺當以物懸之一名鵠夷  
魚以物觸之卽噴腹如氣毬亦名噴魚腹白背有赤  
道如印其目得合與諸魚不同海中者大毒江中者  
次之○養魚經河豚目能開闔能作聲鱗中之毒品  
也凡烹調腹之子目之精脊之血必盡棄之洎二皮  
肉肝之有斑眼之赤肝之獨包鉗之一異具不可食  
中毒者水調槐花末或龍腦水或橄欖子皆可解反  
荆芥等風藥服風藥而食之者死物類相感志以荆

芥煮其子候如芡大易荆芥再煮至復小乃可食又有斑魚似河豚而小食者雖無恙然亦其種類時珍以毒更甚

○洄魚一名水底羊東坡有洄魚詩

### 時魚

時魚似魴厥味肥嫩品高江東價百鱸鮪界江而西謂之瘟魚棄而不餌

養魚經鱠魚盛于四月鮮白如銀其味甘美多骨而速腐廣州謂之三鰲之魚閩志大者長數尺春末有之○李時珍云鱠形秀而扁似魴而長肉白中多細

刺如毛何景明稱其銀鱗細骨彭淵材恨其美而多刺也大者不過三尺腹下有三角硬鱗如甲其肪亦在鱗甲中自甚惜之其性浮游漁人以絲網沉水數寸取之一絲罍鱗卽不復動才出水卽死且易餒敗表達禽蟲述云鱠魚罾網而不動護其鱗也不宜烹煮惟以筍芡芹荻之屬連鱗煮蒸食乃佳亦可糟藏之鱗與他魚不同石灰水浸過曬乾層層起之以作女人花鈿甚良○雨航雜錄箭魚卽鱠魚也腹下細骨如箭簇首夏以時至而名本朝甚貴之本艸稱其

補虛勞稍發疖痂肋似箭而小○武林遺事每歲五月富春江上時魚最盛敵人捕之移時百里達於城市或云此魚自漢江來非富春產富春上下非夏無此人以是奇之○按孫愐云時魚出江東今江中皆有而江東獨甚應天府以充貢每四月鱗魚出後卽出云從海沂上人甚珍之惟江以西呼作瘟魚畏而不食

### 鯁魚

鯁魚偃額兩目上陳頭大尾小身滑無鱗或名曰鮎粘

是因 爾雅翼

釋名鯁一名鯁又名鮎無鱗大首偃額大口大腹鮎身鱧尾有齒有胃有鬚者是矣生流水者色青白生止水者色青黃大者亦至三四十斤赤目赤鬚無腮者殺人○說文鯁訓鮎卽鮎按鮎粘滑無鱗韓保昇謂口腹俱大者曰鮎背青口小名鮎背黃腹白名鮎江東通呼作鯁其字亦作鯁鯁李時珍云凡食鮎鮎先割翅下懸之則涎自流盡不粘滑也○衍義云鯁魚形少類獺有四足腹重墜如藥身微紫色嘗剖之

中有三小蟹又有四五小石塊如指面許小魚五七枚然無鱗與鮎鮓相類今未見用者按此似名同而種別

鯢 音題

魚有名鰾 匹妙切 亦號爲鯢化而爲人曾謁仲尼鬣戟鱗

甲由也仆之陳蔡之厄天濟聖饑 衝波傳

云名鰾者疑承本艸鯢鮓注而譌之也蓋鯢鮓釋名鰾陳藏器音逐題乃魚白而李時珍音逐夷云音題乃鮎也大觀本草鯢鮓作鯢鯢○養魚經鯢大首方

口背青黑而無鱗是多涎○按傳孔子厄於陳蔡夜有一人長九尺阜衣高冠咤聲動左右子路出與戰相搏以之孔子曰何不探其腮如其言仆于地乃一大鯢魚也孔子曰此物胡爲來哉吾聞物老則羣精依之凡六畜之物皆能爲怪故謂之五酉 一作酉 五行之方皆有其物酉者老也物老則爲怪殺之則已

鬣魚 音惹

鬣形如帆與便面同厥足二六雌常負雄漁人取之必得其雙子如麻子南醬是供

爾雅翼形如惠文亦如便面惠文者秦漢以來武冠也便面古扇也背黑而穹張敞所用以拊馬者今號溫涼扇大率鬻善候風故其音如候也其雌負雄雖風濤終不解故號鬻媚失雄則不能獨活腹中子無數如麻子大或云亦罅裂而生未知其審○雜俎鬻雌常負雄而行漁者必得其雙南人列肆賣之雄者少肉卑雅云雄多肉舊說過海輒相負于背高尺餘如帆乘風游行今殼上一物高七八寸如石珊瑚俗呼鬻帆成式荊州得一枚○王敬美閩部疏鬻之爲物介而

中坿厥血蔚藍熟之純白尾銳而長觸之能刺斷而置地其行郭索雌常負雄觸笱而逝或得其雄雌亦就斃瀕海諸郡以鬻皮代杓歲省銅千餘斤○李時珍云鬻廣尺餘其甲瑩滑青黑色鍤背骨眼眼在背上口在腹下頭如蛻蝦足似蟹在腹兩旁殼入香中能發香氣脂燒之可集鼠南人以其肉作鮓醬小者名鬼鬻食之害人○雨航雜錄鬻形如覆釜大如車青褐色其血碧口足皆在覆釜下足有十二長五六寸尾勁而尖長二三尺有刺三稜如稷莖能觸傷人

尾中有珠如粟色黃雄小雌大置之水中雄者浮雌者沉南人或帶其珠或磨飲之云利市殼堅硬腰間橫文一線軟可屈摺每一屈一行牝常負牝牝牡相隨牝者背有目牡者則無牝去則牡死故海上稱婦女健壯操家者作蠶是物在海羣行輒相積于背高尺餘人呼蠶帆其衆如牌筏名蠶簾東夷取其殼作寇次于白角尾作小如意子如麻子温人取以爲醬甚美○續博物志蠶皮殼堅銳然性畏蚊蚊小螫之輒斃埤雅尾燒之可辟蚊暴之日中往往無恙隙光

射之卽死其藏伏沙上亦輒飛躍常遠行迹數步如兔擺蹤足似蟹腹中有子如粟而大中醢○謝肇淛五雜俎云唐皮日休以蠶魚殼爲樽澀峰鬻角內玄外黃謂之訶陵樽好奇之甚閩人以爲杓入沸湯中甚便不聞可作樽也○海味索隱蠶箋形如覆釜色如紺碧血如蔚藍尾如秃戟負如浮圖行如屈折眼竅于背足攢于腹珠綴于肋乘風曰帆聯遊曰筏伏雌曰媚奇形異狀莫詳其說○林日瑞漁書云蠶魚殼如箕雌者腹中子如黍米可數升尾如鎗長二尺

魚圖贊卷一 第一  
二三  
餘身分兩截下截裏面有葉如冊葉然呼爲鬻冊兩  
傍有刺其身肉口腹足螯俱在上截足盡處有二小  
佩狀似刀鮮食作醢並佳四五月間多螫史曰古人  
視鴟制柁視鬻制帆以余論文事武備俱焉身披甲  
胄尾常帶鋒左右有刀足如列戟非武備乎腹滿珠  
璣腰帶書冊非文具乎雄雌相隨不以變故易節更  
足以風另一種名黃鬻能殺人又不可不辨

鯪鯪

魚有鯪鯪一頭數尾有脚如蠶食之肥美

玉篇此魚一頭數尾長二三尺左右有脚狀如蠶可  
食

郎君子鯪

應人海錯部

郎君子鯪雄雌相雜置之醋孟逡巡便合下卵如粟頃  
刻廿卅善治產難誕生如達

本艸名郎君子元文類作郎君子鯪主治婦人難產  
手握之便生極驗○唐李珣云郎君子生南海有雌  
雄狀似杏仁青碧色欲驗真假口內含熱放醋中雌  
雄相逐逡巡便合下卵如粟狀者真也亦難得之物

○顧玠海槎錄相思子狀如螺中實如石大如豆藏  
篋筍積歲不壞若置醋中卽盤旋不已此卽郎君子  
又宋周公謹云長生螺置之醋中則活

鱮魚

當附鱮後

潛有鱮

當作鱮

魚飛有鵠

當作鵠

鳥同是一物互爲形表鳥藏魚

出變化莫曉

按鱮音崩音孟其字亦作鮪鮪周雒曰鮪蜀曰鮪鱮  
此贊的是鱮字之誤釋名鱮一名鱮廣韻音適亦作鮪  
音啾此魚鳥所化頂上有細骨如禽毛○異物志鱮

魚初夏從海中泝流而上長尺餘腹下如刀肉中細  
骨如鳥毛云是鵠鳥所化故腹內尚有鳥腎二枚其  
鳥白色如鷺羣飛至夏鳥藏魚出變化無疑

鱮

鱮似蜥蜴一卵百子或如白虺或成蒼兕喙餘三尺長  
尾利齒岸棹渴虎人肉爲肺造化至仁胡乃育此

感應經云聞廣州人說鱮魚能陸追牛馬水中覆舟  
殺人值網則不敢觸有如此畏懼其一孕生卵數百  
于陸地及其成形則有虵有龜有鼈有魚有鼃有蛟



凡數十類及其被人捕取宰殺之其靈能作雷電風  
雨此殆神物○嶺表異錄鰐魚其身上黃色有四足  
修尾形如鼉而舉止趨疾口森鋸齒往往害人南中  
鹿多畏懼此物鹿走崖岸之上羣鰐嗥叫其下鹿必  
怖懼落崖多爲鰐所得亦物之相懾伏也故太尉相  
國李德裕貶官潮州經鰐魚灘損壞舟船平生寶玩  
古書圖畫一時沉失遂召舶上崑崙取之見鰐極多  
不敢輒近乃鰐魚之窟宅也○潮志府東惡溪唐西郡  
西湫水  
中有鰐魚唐刺史韓愈作文驅之遂徙宋陳堯佐亦

嘗殺鰐○萬震南州異物志鰐齒網羅則斷如刀鋸  
居水中以食魚爲本○真臘風土記鰐魚大者如船  
有四脚絕類龍特無角耳肚甚脆美

南海有魚其名爲鱣其身已朽其齒三作

李淳風物  
類相感志

博物志南海有鰐魚狀似鼉斬其首而乾之椽去其  
齒而更生如此者三乃止○洽聞記扶南國出鰐魚  
大者二三丈四足似守宮狀常生吞人王令人捕此  
魚置壑中以罪人投之若合死鰐乃食之無罪者嗅  
而不食此魚別號忽雷熊能制之握其背至岸裂擘

食之一名骨雷秋化爲虎三爪出南海思雷二州臨  
海英潘村多有之

搜神記扶南王名范  
尋池在今梧州城東

### 鯨鯢

魚有鯨鯢或名江豚欲風則涌恒隨浪翻

卽海豚陳藏器云海豚生海中候風潮出沒形如豚  
鼻在腦上作聲噴水直上數百成羣其子如蠶魚子  
數萬隨母而行人取子繫水中母自來就而取之江  
豚生江中狀如海豚而小出沒水中舟人候之占風  
○郭璞賦江豚海豨注江豚似豬鼻中有聲胸上有

乳無鱗黑色多脂膏海豬體魚頭似豬韻府江豚脂  
亦同奔鯨豚或作狔俗名江豬豚將風則踴鼉將雨  
則鳴故以狔讖風以鼉候雨○漁書江狔土名白鯢  
身大而長白色出入波浪中見則有風

鯨鯢之魚出淮及五湖黃肥不可食大如百斤豬數枚  
相隨浮沉自如

魏武帝四時食制

李時珍云狀大如數百斤豬形色青黑如鮎魚有兩  
乳有雌雄類人數枚同行一浮一沉謂之拜風其肉  
肥不中食膏最多和石灰脰船良

魚舅。

嘉州魚舅載新厥名鱗鱗迎勝夫豈其甥其文實鮪江圖可徵

爾雅注鮪似鰻而大鱗肥美多鯁一作鮪今江東呼其最大長三尺者為常鮪音胡○郡國志嘉魚蜀中謂之拙魚亦名魚舅

弓魚

西洱弓魚三寸其修誰書以公音是字謬又晒多子亦孔之羞

弓魚見魚譜今誤作公大理志洱河出公魚似鱗細鱗長不滿尺大小俱有子味極佳美滇諺既誤作公魚而怪其有子遂綴謔語大理公魚皆有子雲南和尚豈無兒

鱒兒

鱒兒極眇僅若鍼鈎盈咫萬尾一筋或是一千頭漁師取之不以網收來如陣雲壓幾沉舟名曰跳艇厥義可求按鱒鱒全此必鱒兒之訛鱒音聿爾雅鱒歸小魚是也段公路北戶錄廣之恩州出鵝毛艇用鹽藏之其

身魚圖贊卷一 三六  
細如毛其味絕美取不用網夜乘小艇張燈其中魚見燈光輒上須臾而盈多則滅燈否則不能載矣郭義恭所謂武陽小魚大如鍼一片千頭土人以作醬者又一統志廣東陽江縣出之卽鱮兒魚也然今興國州諸處亦有之彼人呼名春魚云春月自岩穴中隨水流出狀似初化魚苗土人取收曝乾作艇以充苞苴食以薑醋味同蝦米○寧國府涇縣琴溪產細魚僅如小棗核狀類鯽苗然多子土人炙乾以充遠遺食之爽美卽呼琴魚或呼麥魚○賓退錄寧國府

涇縣東北二里有琴溪溪側石臺高一丈曰琴高臺溪中別有一樣小魚俗傳琴高投藥滓所化號琴高魚歲三月數十萬一日來集漁者網取漬以鹽而曝之州縣須索無藝以爲土宜舊亦入貢乾道間始罷○閩中又有一種丁香鮓似銀魚而短小腹博皆鱮之類○雨航雜錄闌胡如小鰈而短大者如人指長三五寸頭有斑點如星潮退數千百跳躑塗泥中土人施小釣取之一名彈塗以孟覆活者數百于地且發視之皆駢首拱北蓋亦朝斗之意玄修者忌食此

雖小魚別種亦其類附識之○林日瑞漁書云彈塗  
一名鮎魚小而穴處潮至出遊水上以跳爲行其色  
藍有小點白文如畫肉軟而味佳

異魚圖贊箋卷一終

異魚圖贊箋卷二

蜀新都楊慎用修甫著

仙井胡世安處靜甫箋

弟胡世寅恭之甫較

鮫魚

吞舟之魚其名曰鮫背腹有刺如三角菱吾師畏之網

羅莫膺臨海水土志

諸說無及吞舟者按異物志鮫魚吐舌蟻喜附因吞  
之或是吞蟻之魚舟字疑誤山謙之南徐州記鮫魚

若鯉四足吳郡賦所謂鮫魚若獸風土記鮫四足如  
獺腹背有刺如三角菱沈懷遠南越志鮫魚形如蛇  
而四足腹圍五六寸頭似蜥蜴鱗如鎧甲○李時珍  
云鮫鯉狀如鼉而小背如鯉而濶首如鼠而無牙腹  
無鱗而有毛長舌尖喙尾與身等尾鱗厚銳有三角  
腹內臟腑俱全而胃獨大可容蟻升許常吐舌誘蟻  
吞之因能水能陸故冒鯉名按志吾師畏之之語似  
海產非穴處者○按太平御覽所載引山海經鮫魚  
吞舟及臨海記鮫魚背腹皆有刺如三角菱豈水中

別有此種非穴居之鮫魚耶

### 勁鰓

南越勁鰓揚鬢排流洞腹養子朝泳暮游臍入口出貯  
水若抽鱗皮斑駁可飾蒨緌

沈懷遠南越志鰓魚土人謂之瓊雷魚通身黑長二  
丈子朝出食暮還母腹從臍中入旦從口中出腹裏  
有兩洞腸貯水以養子腸容二子兩腸則四子也其  
腮鱗皮有珠文可以飾刀劔口一云鳥鰓魚又蝦鰓  
長五丈尾似蝦鰓鰓鼻有橫骨如輻海中波浪爲之

滿海船逢之必斷○載見吳錄潘州記雜俎云章安縣出頰赤如金甚健網不能制俗呼河伯健兒惠志云子出入風驚浪湧○沈瑩臨海水土異物志鰭魚鹿文青目腹下正白長五丈虎鰭長三丈黃黑斑文耳目齒牙有似虎形唯無毛或變成虎○雨航雜錄鰭魚長二丈大數圍小者圓廣尺餘狀如鰲無足背麤錯有文皮皆鑿物子小隨母覓食驚則還入母腹一名鮫魚皮間有珠可飾劍有橫骨在鼻前如斤鋸者曰胡沙性良肉美

### 石首魚

石首之魚有石在頭瑩白如玉可植酒籌

嶺表錄異石頭魚狀如鰭魚隨其大小腦中有二石子如喬麥瑩白如玉有好奇者多市魚之小者貯于竹器任其壞爛卽淘之取其魚腦石以植酒籌頗脫俗○李時珍云生東南海中形如白魚扁身弱骨細鱗黃色如金首有白石二枚田九成遊覽志每歲四月來自海洋綿亘數里其聲如雷海人以竹筒探水底聞其聲乃下網截流取之澄以淡水皆圍圍無力

初水來者甚佳二水三水來者魚漸小而味漸減矣  
○炙穀子石首鱧也首有小石故名海族志其初出  
水也能鳴夜視則有光鹽曬爲鱠則曰白鯊閩謂之  
金鱗又謂之黃瓜○臨海異物志石首小者名躡水  
其次名春來石首異種也雲間志腹中白膘可作膠  
○兩航雜錄鱧卽石首魚也小者曰鯧又名躡魚最  
小者名梅首又名梅童其次名春來土人以槐豆花  
卜其多寡槐豆花繁則魚盛腦中有白石如碁子取  
其石次以作器或飲食遇毒則暴裂腦漏者用其石

燒灰吹入鼻中卽愈又下石淋炙食之至消瓜成水

又有鯧形相似左右三牙如鐵鋸或曰石首雄鯧其

雌也

南越志謂  
鯧雄石首

諸魚有血石首獨無血僧人謂之菩

薩魚至有齋食而啖者亦三淨肉意蓋不能忍口腹

而姑以此說自解也○石首亦冒黃魚名海味索隱

鯧黃各種肉與味不同四明梅魚比黃魚極小肉味

正相似閩中呼爲小黃魚其鱗色燦爛金星如大黃

魚也又各一種張九嶼銘合鯧黃一種誤矣蓋鯧鯧

別一種黃魚其謂之石首者以腦中藏二白石子得



名又謂洋生魚土人從小滿節候黃魚散子在海洋中魚貫串若山移而過商人倩漁師聽魚聲乃報曰釣魚來有幾里幾里云漁者舉網或得千萬頭或空不得蓋遇與不也

### 石首化鳧

南有魚鳧國古蜀帝所都婁縣石首魚至秋化爲鳧魚鳧之名義泝此可求諸

張勃吳錄

吳地志石首魚至秋化爲冠鳧頭中猶有石迹異志在吳郡魚城城上水中韋昭春秋外傳石首成鼈鼈

鴨也○養魚經石首之魚其色如金俗名黃魚棟花而來秋而化鳧

### 比目魚

東海比目不比不行兩岸得立合體相生狀如鞋屨鰈實其名

山海經圖東海有鰈魚卽比目魚也不比不行古之王者將行封禪東海貢此魚注狀如牛脾鱗細紫白色一眼兩片相合方能行○江東人呼王餘魚郭璞贊比目之鱗別號王餘雖有二片其實一魚協不能

密離不爲疎按比目王餘自是二種何得比而同之  
吳都望海二賦原自明晰而解者誤會也緣未覲形  
耳○嶺表錄異比目魚南人謂之鞋底魚江淮謂之  
拖沙魚異物志云似左右分魚南越志謂之板魚亦  
曰左介臨海水土記板魚片立合體俱行一名鱓一  
名兩鮓又相如賦禹禹鮓鮓注鮓鮓同音區鮓鮓全  
比目魚也按山海經鮓魚羽在脇下又鮓魚亦有鮓  
名音塔耳○雜俎王者德及幽隱則比目魚至○兩  
航雜錄竹夾魚似比目而肉堅身圓尾尖色青黑一

名土鱧○通考漢天子臨軒設樂激水成比目魚跳  
躍漢水作霧翳日化黃龍長數丈出水遊戲

### 王餘

王餘孤游比目雙逝水既有之陸亦相儷單鴟匹鷺性  
亦相似

吳都賦雙則比目片則王餘孫綽望海賦王餘孤戲  
比目雙游○博物志吳王江行食鱠之餘棄中流所  
化今魚中名吳王鱠餘者長數寸大者如筋猶有鱠  
形○又名鱣殘皮日休詩隱几船舷無一事分明數

得鱠殘魚養魚經鱠殘之魚狀如銀魚而大冬月帶  
子者謂之挨冰嘯或以卽銀魚非銀魚形纖細明瑩  
如銀太湖之人多鱸以鬻長不過三寸凡魚嘯子以  
夏惟銀魚鱠殘嘯子于冰冰解三日乃生也○李時  
珍云出蘇松浙江大者長四五寸身圓如筋潔白如  
銀無鱗若已鱠之魚但目有兩黑點耳彼人尤重小  
者曝乾以貨四方清明前有子食之甚美清明後子  
出而瘦但可作鮓腊耳○趙宦光云海中小白魚長  
三四寸許若蟲類者曰鱠殘其形潔白方言謂之麩

魚士人傳言吳王食鱠吐至水中所化因改作鱠又  
一種湖中出者夏小寸許秋長盈尺亦曰殘魚小者  
加之美名曰銀魚皆鱣屬○舊志吳王食鱣有餘棄  
水中所化名王餘魚越王食魚未盡以半棄水所化  
遂無一面名半面魚○瀘州合江縣產木瓜魚以木  
瓜時出故名膚如築玉稍大如寶坻魚而肥美絕倫  
亦王餘類○易林鴛必匹飛鴟必單棲

鰕魚

鰕實四足而有魚名頭尾類鯁岐岐一作岐而行長生山澗

出入沉浮云是懶婦怨懟自投

異物志舊贊

本艸鮓魚大者名鮓音霞異物志魚之能以足行如蝦

故名○述異記淮南有懶婦魚俗云昔楊氏家婦為

姑所溺而死亡為此魚其脂膏可燭佛經謂之饒燈

鳴瓊泛醪則明披緇辟纒則暗一名鮓○餘詳目錄

### 鰓鰓魚

鼓翮十運一翼翮翮厥名

或作鳴

如鵲鱗在羽端

郭璞贊

山海經涿光之山崑水出焉中多鰓鰓之魚狀如鵲

而十翼鱗在羽端聲亦如鵲可以禦火食之已瘳亦

見述異記

### 文魮

形如覆鈔包玉含珠有而不積泄以尾閭閭與道會可

謂奇魚

郭璞贊

海經駕紫江賦文魮孕璆音磬鳥首魚尾出鳥鼠穴禹

貢攸紀

山海經濫水西注于漢中多駕紫之魚狀如覆鈔鳥

首而魚翼音如磬石之聲是生珠玉○文選江賦文

魮孕璆玉篇云魮有兩翼尾有毒亦作魮○後贊鳥

鼠云云亦蒙山海經非禹貢也

### 飛魚

飛魚身圓長丈餘登雲游波形如鮒翼如胡蟬羽泳俱

仙人寧封曾餌諸著藻灼爍千載舒衍王子年七言頌

林邑記云飛魚身圓大者丈餘翅如胡蟬出入羣飛

游翔翳蒼沉則泳於海底○中山經牛首山勞水出

焉西注于潏水是多飛魚其狀如鮒食之已痔術一統

志陝西鄂又驪山正回之水北注于河中多飛魚狀

如豚而赤文有角佩之不畏雷霆亦可禦兵當是另種

雜俎朗山浪水有魚長尺能飛飛即凌雲空息歸潭

底○拾遺記仙人寧封食飛魚而死二百年更生

寧先生遊沙海頌云青藻灼爍千載舒百齡暫死

飛魚○吳都賦文鯈夜飛而觸綸注長尺許翅與尾

齊一名飛魚陳藏器云生海南羣飛海上海人候之

當有大風按西山經泰器山觀水出焉多文鯈魚狀

如鯉魚身而鳥翼蒼文而白首赤喙常行西海遊于

東海以夜飛其音如鸞雞其味酸甘食之已狂見則

天下大穰

王鮪。

王鮪岫居科斗其面性最有毒獺所不噉人饒食之肥美盈燕

東京賦王鮪岫居

毛詩義疏所謂鞏縣東維度北崖

通鱣鮪從北

穴而來入河埤雅鮪岫居至春始出而浮陽北入河

西上龍門入漆沮見日而目眩又水經王鮪出鞏穴蜀曰鱣鱮三月遡河上能度龍門則爲龍宋景文公筆記河陽出王鮪魚形如豕口與目皆在腹下每春二月出于石穴逆河而上乃取之按夏小正注魚之

先至而美者○陳藏器云生江中背如龍李時珍云亦鱣屬也長者丈餘狀如鱣而背上無甲其色青碧腹下色白其鼻長與身等口在頷下食而不飲頰下有青斑文如梅花狀尾岐如丙肉色純白味亞于鱣鬣骨不脆羅願云鮪狀如鬣鼎上大下小喙口頭大而尖如鐵槩整亦能化龍髯可作膠漢志邛部有河中產魚長一二丈頭特大遙視如戴鐵釜狀卽鮪也○釋各一名魴鮪七八尺者益州人謂之鮪鱮大者王鮪小者叔鮪更小者建平人呼絡子也一名鱮或

身魚圖卷第... 卷二  
作鱣一名碧魚今東萊遼東謂之尉魚或名仲明魚  
以樂浪尉仲明溺海中化此魚飲膳正要云遼人各  
乞里麻魚○燕山錄鵜鶘飲水數升而不足鱣鮪入  
口若露而死

### 丹魚

丹水丹魚出于南陽以夜伺之浮水有光夏至十日其  
期不爽取血塗足水上可行

抱朴子

抱朴子南陽丹水出丹魚常先夏至十日夜伺之魚  
浮于水赤光上照赫然如火網取之割其血以塗足

可步行水上如履平地按述異所載同但云丹水出  
龍巢山下風土記亦同云丹水在內鄉縣

### 鮪魚

音陷又音紺

海有鮪魚衆魚蓐母魚欲生卵觸腹以首蛇醫雁奴物  
性固有

雜俎凡諸魚欲產鮪魚輒舐其腹世謂之衆魚之生  
母異苑所載同但云諸魚欲產鮪輒以頭衝其腹云

○本艸鮪一名鮪一名鰈一名黃頰魚鮪敢也鮪脂  
音也食而無厭也健而難取吞陷同類力敢而陷物

者也其性獨行故曰鰪○李時珍云生江湖中體似鰪而腹平頭似鮐而口大頰似鮎而色黃鱗似鱗而稍細大者三四十斤啖魚最毒池中有此不能畜魚山海經番條山減水出焉中多鰪魚又姑兒山之水多鰪魚是也異苑云然諸魚生子必雄魚衝其腹仍尿白以蓋其子不必盡待鰪魚也○山海經陽山留水出焉南注于河中有鰪父之魚狀如鮐魚首而彘身食之已嘔此另種

望魚 當附鰪後

明都滄澤望魚之沼形側如刀可以刈草魏武帝制時食制魏志望魚側如刀可以割艸出豫章李時珍云鱗魚形如劑物裂篋之類故有諸名魏武食制云望魚

鮫

天淵魚虎老化為鮫其皮朱文可飾弓刀

任昉述異記虎魚老者為鮫雜俎魚二百斤為鮫南山經禱過山浪水出焉中有虎鮫其狀魚身而蛇尾其音如鴛鴦食之不腫可以已痔中山經荆山漳水出焉東南注于睢多鮫魚皮有珠文而堅可飾刀劍



尾有毒○劉歆期交州記鮫海魚出合浦長三丈狀似鼉而無足背上有甲珠文堅強可飾刀劍又可以鑿物按左思賦扈帶鮫函則亦可飾甲矣○韓景昇云圓廣尺餘尾亦長尺許背面粗錯李時珍云古曰鮫今曰沙是一類而有數種形並似魚青目赤頰背上有鬣腹下有翅味並肥美南人珍之大者尾長數尺能傷人皮皆有沙如真珠斑其背有珠文如鹿而堅彊者曰鹿沙亦曰白沙云能變鹿背有斑文如虎而堅彊者曰虎沙亦曰胡沙云虎魚所化鼻前有骨

如斧斤能擊物壞舟者曰鋸沙又曰挺額魚亦曰鱠  
鱣

鮫之爲魚其子旣育驚必歸母還入其腹小則如之大則不復

楊孚交州異物志舊贊

雜俎鮫子驚則入母腹博物志東海鮫鱣生子子驚還入母腹尋復出陳藏器云其魚狀貌非一皆皮上有沙堪揩木如木賊也小者子隨母行驚卽從口入母腹中○兩航雜錄馬鮫魚形似鱈味似鮓亦曰社交以交社而生此疑別種○漁書云馬鮫無鱗翅色

蒼藍而有文采一種名釘柱一統志謂廣州海產肉厚骨軟諺云海中馬鮫鮓味之最也

### 龍魚

龍魚一角似鯉居陵候時而出神聖攸乘飛驚九域騎龍上升

文選龍鯉一角卽此篇海龍角魚名鯛音周又電白海

中出龍鯉○海外西經龍魚陵居狀如狸作鰕卽有神

聖乘之以行九野一曰鼈魚在天野北其爲魚也如鯉○絳河去日南十萬里多赤龍魚上仙服之後天

### 而老

龍魚之川在汧之塽河圖授羲實此出焉神行九野如馬行天

陝志魚龍川源出小隴山中有五色魚人不敢取因各杜詩水落魚龍夜○孝經援神契天子孝天龍負圖尚書中候河龍出圖成赤文綠字以授軒轅

### 烏魚

烏魚戴星禁在仙經鮑鮓鱧蠡紛其別稱其膽獨甘以是爲徵

野紀鳥魚卽鱧首有七星夜朝北斗道家稱鱧惠朝  
斗有臣禮以爲三厭之一此物最耐久不死如旱涸  
中乾枯經歲得水復活玉皇本行集經鱧魚腐于泥  
得水而再活豈卽此耶此物食魚爲魚中之虎其子  
最繁○李時珍云形長體圓頭尾相等細鱗玄色有  
斑點花文頗類蝮蛇有舌有齒有肚背腹有鬣連尾  
尾無岐形狀可憎氣息腥惡食品所卑南人有珍之  
者○格物志凡魚散子不沫其子唯文鱧沫子而長  
舊云是公蠺蛇所化至難死或謂之鱧○爾雅鱧大

鯛小者曰鮓爾雅翼鱧又名文魚與蛇同氣俗呼黑  
魚蓋北方之魚也本艸一作蠡魚諸膽苦惟鱧膽甘  
又注云鱧非鮓鮓形似鯉詳前鱧箋豈鱧音之誤  
瓊魚

仙人上藥劉涓子瓊魚昔西王母漢武受圖銀刀尾尾今  
乃其餘

漢武內傳西王母曰仙人上藥有劉涓子瓊魚○杜詩  
出網銀刀亂注銀刀魚也

石桂魚

石桂之魚天仙所餌猶有桂名鰕借音爾流水桃花惠  
隱詠美

養魚經鰕魚巨口而細鱗肉味鮮美背黑有斑彩或  
云仙人劉憑常食名桂魚今此魚鄉之人猶有桂之  
呼焉○石桂魚本艸名鰕魚以其體不能屈曲如僵  
蹶也又名鰕魚以其紋斑如織縠也其味如豚又名  
水豚名鰕豚扁形濶腹大口細鱗黑斑厚皮緊肉肉  
中無細刺者是也按斑色明者雄稍暗者雌背有鬚  
鬚刺人李廷飛延壽書云鰕鬚刺凡十二以應十二

月每月一刺有毒人誤中之者惟橄欖核磨水或橄  
欖煨存性調長流水服卽解也夏月居石穴冬月偃  
泥採魚之沈下者一云鰕性癡見人則樹其鬚謂人  
懼已也又性畏寒爾雅翼牛羊之屬有肚故能嚼諸  
魚不然而鰕獨有肚能嚼亦啖小魚江南名鮠唐張  
志和詩桃花流水鰕魚肥又中山經合水出于半石  
山陰而北注于雒多騰魚音騰狀如鰕音桂居遠水道交  
通者蒼文赤尾食之不癰可以已瘻今按騰形狀居止  
功用俱與鰕同日華子謂鰕水豚豈音疑此與○漁

書云海中產者名鱸魚春水浪深至初夏始有得之

橫公魚

北方石湖有橫公魚化而爲人刺之不殊煮之不死游  
鑊育育烏梅廿七煮之乃熟

約玄黃錄

神異錄北方荒外有石湖方千里岸深五丈餘恒水  
唯夏至左右五六十日解耳中有橫公魚如鯉而赤  
晝在水中夜卽化人刺之不入煮之不死若以烏梅  
二七箇煮之卽熟可治邪病按述異記神異經所載  
同或作黃公魚長七八尺食之無鯁○魚叅魏略文

帝將受禪赤魚游于露鑊乃此魚也其性自然乃爲  
飾以爲瑞應

異魚圖贊卷二終

異魚圖贊卷三

蜀新都楊 慎用修甫著

仙井胡世安處靜甫箋

男胡 璞非璞甫較

髮魚

髮魚帶髮形如婦人出于滇池肥白無鱗魏武帝四時食制

北戶錄曰髮魚戴髮形如婦人肥白無鱗出滇池○

徂異記查道奉使高麗見沙中一婦人紅裳雙袒髻

髮紛亂背後微有紅鬣查命人扶于水中遂拜手感

戀而沒○洽聞記海人魚東海有之大者長五六尺  
狀如人眉目口鼻手爪頭皆美麗女子無不具足皮  
肉白如玉無鱗有細毛五色輕軟長一二寸髮如馬  
尾長五六尺陰形與丈夫女子無異臨海鰥寡多取  
得養於池沼交合之際與人無異亦不傷人○稽神  
錄謝仲玉見婦人出沒波中腰以下皆魚也○海語  
人魚長四尺許體髮牝牡人也惟背後有短鬣微紅  
耳間出沙汭亦能媚人船行遇者必作法禳惡其作  
祟故也昔人使高麗偶泊一港適見婦人仰臥水際  
顧羨蓬短手足蠕動使者識之謂左右曰此人魚也  
慎毋傷之令以楫扶至江中喫波而逝

琵琶

海魚無鱗形類琵琶一名樂魚其鳴孔嘉聞音出聽曾  
識匏巴沈懷遠南物志

述異記海魚千歲為劍魚一名琵琶魚形如琵琶而  
善鳴因以名焉○雨航雜錄綬魚一名華臍一名老  
婆其腹有帶如帔子生附其上形如科斗大者如盤  
或曰此文選所謂琵琶魚也無鱗冬初始出者俗重

之至春則味降矣○談乘淮南子匏巴鼓瑟淫魚出  
聽淫魚形似鬲身頭相半長丈餘鼻大玉白身黑口  
在頷下有鬚無鱗出于江中喜音出聽今訛作游魚  
此魚九江多有但不聞好音也說文引傳淫作鯪此  
贊未審何據

### 含光魚

含光之魚臨海郡育南人變炙雖美而毒煎燂已乾燿  
夜如燭商物志

按不艸卽鱷魚此魚甘平有小毒異物志名含光者

言其脂肉夜有光也飲膳正要遼人名阿八兒忽魚  
○李時珍云鱷狀似鱗其色灰白其背有骨甲三行  
其鼻長有鬚其口近頷下其尾岐其出也以三月逆  
水而上其居也在磯石湍流之間其食也張口接物  
聽其自入食而不飲○嶺表異錄黃臘魚卽江湖之  
橫魚頭背長鱗皆金色鬻爲炙雖美而毒或煎燂乾  
夜卽有光如籠燭北人有寓南海者市此魚食之棄  
其頭于糞筐中夜後或有光明近視之益恐懼以燭  
照之但魚頭耳去燭復明以爲不祥各啟食奩窺其



餘鱗亦如螢光達明遍詢土人乃此魚之常也憂疑  
顛釋

### 鰕魚

鰕魚長咫大如竹竿爆之爲燭光明有爛脊骨又美可  
作羹餐 臨海水土志

北戶錄引臨海異物志鰕魚如指長七八寸但有脊  
骨好作羹滑美似餅大者如竹曝作燭極有光明今  
按字書無鰕的是鰕字之誤

婢屍奴屬 應附比目

魚有婢屍亦有奴屬其名雙偶其形兩肖味皆堪噉出  
臨海嶠

按卽比目魚俗名鞋底魚臨海志名婢屍臨海風土  
記名奴屬南越志名版魚南方異物志名箬葉魚皆  
因形也

### 石斑魚

石斑姪蟲虎文形蚓蝦蚤爲杜水邊呼引石斑卽走上  
岸合牝其性旣惡羹不可飲

石斑魚延壽書名石磬魚異物志名高魚李時珍云

石斑生南方溪澗水石處長數寸白鱗黑斑浮游水面聞人聲則劃然深入臨海水土記長者尺餘其斑如虎文而性淫春月與蛇醫交牝故其子有毒南方異物志高魚似鱗有雌無雄二三月與蜥蜴合于水上其胎毒人○雜俎僧行儒言建州有石斑魚好與蛇交南中多隔峰窠大如壺常羣蟄人土人取石斑魚就蜂樹側之標于竿上向日令魚影落其窠上須臾有鳥大如燕數百互擊其窠窠碎落如葉蜂亦全盡○墨客揮犀南方溪澗有魚生石上號石斑魚作

鮓甚美至春含有毒不可食云與蜥蜴交也按陳藏器云石魴魚生南方溪澗中長一寸背裏腹下赤南人以作鮓甚美據二說此魚非不中食者矣抑另種耶○李日華蓬窗夜話黃山澗中生斑魚如蠟蜓而無足善含水登木隱樹杪叢葉中仰口水汪汪然渴鳥過而飲之輒箝翕曳而入水恣其嚙嚼小蟲設機陷物隱慘乃爾可畏哉未審卽此魚否

### 戴星魚

戴星之魚背有星文點點玃礫因之名云

異魚圖贊卷三  
中都玳瑁魚雪質而黑章的礫若漆儼然玳瑁疑亦  
其類○臨海水土記載星魚狀如鳶魚背上有兩白  
璫如指大因名

鱸魚

鱸魚兩肋大肉堪饜魚之粳米其骨亦軟號狗啗睡謂  
無餘衍

卽鮓魚本艸有鮓鮓昌鼠之稱昌美也以味名或云  
此魚游于水羣魚隨之食其涎沫有類于娼故名閩  
人訛作鱸廣人連骨煮食呼狗啗睡魚四五月出陳

藏器云鮓魚生南海狀如鯽身正圓無硬骨作炙食  
至美○嶺表錄異鱸形似編魚腦上突起連背身圓  
肉厚白如鰾只有一脊骨治之以薑葱魚之以粳米  
甚軟食之無餘

魷魚

魷魚之味其美在額古諺有之價躉世宅鱸腮沙刺黃  
骨鱸脊南烹所珍百倍秦炙

南越志魷魚長五六寸味極肥腴土人重之故古諺  
云寧去累世宅不去魷魚額炙食甘美子可爲醬食

○鱣魚之美在腮沙魚之美在刺南中八郡志黃魚形似鱣骨如慈可食郭義恭廣志云犍爲都夷道縣出鱣骨黃魚○鰠一作鰠兩航雜錄青鰠魚冬月肥美海錯之佳者或以敵松江之鱸張汝遠曰此邾莒之于齊魯豈其方

鰠魚

當附鰠後

弊筭在梁其魚惟鰠其大盈車餌以豚豨鰠死以餌士死以食

孔叢子衛人釣于河得鰠其大盈車曰吾下一魴之

餌鰠過而不視並以豚之半則吞矣子思曰噫鰠貪以餌死士貪以祿死○一作鰠按惠志鰠魚大如指長八寸脊骨宜羨殆應鱸類鰠似鮠而大鬣紅

何羅魚

何羅之魚一身十首化而爲鳥其名休舊竊糈于春傷隕在日夜飛曳音聞春疾走

山海經譙明山譙水出焉西注于河中多何羅之魚一身而十首其音如吠犬食之巴癰亦可禦火或作何羅○休舊按嶺表異錄一名休鷗夜飛晝伏能拾

人爪甲以為凶又名夜遊女好與嬰兒作祟又名鬼  
車又名魚鳥入人屋收魂氣其頭有九為犬所噬一  
首下血滴人家則凶故聞其聲則吠犬使吠以厭之  
按衝波傳有鳥九尾孔子與子夏渡江見而異之人  
莫能名孔子曰鶻也嘗聞河上之歌云鶻兮鶻兮逆  
毛衰兮一身九尾長兮又江賦奇鶻九首裴瑜注爾  
雅言鶻糜鶻是九頭鳥也俗呼鬼車天陰時作聲聲  
如刀車鳴白澤圖謂之蒼鶻帝嚳書謂之蒼逆小兒  
云周公居東惡聞此鳥命庭氏射之血其一首餘猶

九首○竊糈之說蜀有之至今聞此鳥聲夜春徹里  
鰓魚

周成王時揚州獻鰓其皮有文出樂浪東漢神醫初捕  
鰓考工

又名鱣鰓說文皮有文出樂浪東曉神飛四年初捕  
鰓考工周成王時揚州獻鰓魚容切按周書王會其于  
魚曰揚州解隄寇鰓亦有隄音疑即此

鱣魚

東方有魚其形如鯉其名為鱣六足鳥尾鱣為之母胎

育厥子

山海經跂踵一作鼓鐘之山有水名曰深澤有魚焉其狀

如鯉而六足身尾名曰鮓鮓古查切之魚其鳴自呼○

玉篇鱸音宿鮓母也

鮓鮓鱸解鱸

樂浪潘國魚之淵府異哉鮓魚鮓有兩乳鮓鱸鮓鱸各

以類聚漢獻大官叔重是取

五魚皆出樂浪潘國見說文博雅鮓鮓鮓也卽江豚

別名天欲風則見○雜俎鮓奔鮓也一名瀕非魚非

蛟大如船長二三丈色如鮓有兩乳在腹下雄雌陰

陽類人取其子着岸上聲如嬰兒啼頂上有通孔頭

氣出嚇嚇作聲必大風行者以爲候煞一頭得膏三

四斛取之然燈讀續輒暗行樂之處偏明○鮓音粉

又鮓別名出東夷一名鮓觸物輒噉腹脹如鮓又有

鮓名浮于水上其出有時率以冬至後乘鮓亦名鮓

鮓

魚之美者東海之鮓伊尹說湯水羣首茲徒聞其名而

形未窺

國語鯤鮪注細魚也呂覽魚之美者洞庭之鱒東海之鮪改作鮪訓魚子當从兒又溷鯢矣

鮪

遼東溟水鮪狀如蝦無足長寸形如股又茲雖微蟲其味特佳

說文鮪魚狀似蝦無足長寸大如叉音股出遼東篇

海作鮪○桂海虞衡志蝦魚出灘水肉白而豐味似蝦而鬆美此豈鮪類耶

烏鰂

烏鰂八足集足在口縮喙在腹形類鞋囊其名烏鰂吸

一作翁波濼墨迭射水慝萬震海物異名記

趙德麟候鯖錄所載同但八足下有絕短者水慝下有以衛害焉埤雅每遇大魚輒噴墨周其波以衛身害若小蝦魚過其前即吐墨涎惹之○李時珍云烏鰂無鱗有鬚黑皮白肉大者如蒲扇煉熟以薑醋食之脆美背骨厚三四分輕虛瑩白名海鰂蛸形似樗蒲子而長兩頭尖脆如通艸重重有紋以指甲可刮成末入亦鏤作細飾

魚有烏賊狀如箕一作算囊骨間有鬚兩帶極長含水嚙墨欲蓋反章

南越志烏賊魚浮水面烏見之以爲死啄之乃捲取去故云烏賊○蘇頌云生東海形如算囊口在腹下八足聚生于口旁有兩須如帶甚長能吹波嚙墨令水溷黑自衛以防人捕人反以是取之○炙轂子此魚遇漁舟卽吐墨染水令黑以混其身漁人見水黑網之大獲傳曰欲蓋而章圖存而亡此之謂也○越志烏賊懷墨而知禮蓋腹中血及膽正如墨可以書

字江東人或取其墨書契以給人財物書跡如淡墨逾年自消惟空紙爾○夢溪筆談宋明帝好食蜜漬鱧鯪一食數升按鱧鯪烏賊腸也○澠水燕談雒陽園戶相妬則以烏賊刺刺花樹枝皮中花心死盡牡丹忌此魚耳○漁書烏賊有云秦皇渡海筆橐墜水化爲此魚故形猶似之墨尚在腹也魚種大小不同名稱亦異有名花衫象其色也有名尖殼象其形也最小者名春桃則其子也

烏則之魚鸚烏所變海若小史懷墨帶算須與其足皆



在眼畔風波稍急粘石爲纜章舉石距同狀異面食品  
所珍圖畫悉絢

呂氏春秋注引古月令九月寒鳥入水化爲鳥則故  
義訓云魚之入月令七十二候者惟鳥則爾羅願云  
此魚有文墨可爲法則故名○掌禹錫云鸚或作鴨  
鸚小鳥也亦名鴨鳩俗稱山呼圖經云背上骨厚三  
四分則非小鳥今據爾雅雒鳥鸚是水鳥似鴨短頸  
腹翅紫白背上綠色名字旣與圖經相符而背骨又  
類蝶蛸則鸚所化明矣○雜俎一名河伯度事小史

海人言秦皇東遊棄算袋于海化此魚形如算袋兩  
帶極長舊說鳥則有矴遇風則蚪前一須下矴一名  
纜魚風波稍急卽以其須粘石爲纜蓋此魚每遇大  
風遠岸則蚪前一須爲矴近岸則粘前一須爲纜○  
天台智顓禪師請禁海溟捕魚滬陳宣帝敕答曰此  
江旣無鳥則珍味宜依所請觀此鳥則之味爲食品  
之珍尚矣○相感志鳥則過小滿則形小山東登萊  
名八帶魚金州衛高麗名八梢魚○章舉石距鳥則  
之別種見日華子章魚臨海志名儻音估魚生南海如

烏則而大八足身上有肉閩粵人多採鮮者薑醋食之味如水母韓退之所謂章舉馬甲柱鬪以惟自呈石距亦其類身小而足長入鹽燒食極美蘇頌云二物似烏則而大更珍好食品所重不入藥用○雨航雜錄海上鱗族異者名章巨大者名石拒若石穴人取之能以脚粘石拒人故名形如算袋八足長二三尺足上硯礪戢戢如釘每釘有竅浮海砂中如死物烏啄之卽捲入水噓足釘噉之以飽其小者名章舉又名章魚別一種生海塗中名望潮身一二寸足倍

之士人稱塗蟾又一種脚短而無釘者名瑣管寧台溫皆有之其名章巨蓋江東子弟所名項羽引江東卒與秦戰秦將章邯拒之卒爲羽所降故江東名是物章拒人怯而負勇者亦號章巨○漁書云望潮里人呼爲章魚生于海泥中潮至則出穴取食故以爲號非鱗非介有身無骨脚有八而無其帶藏口于腹以首爲腸中亦有墨大抵皆墨魚一派而異形耳其首似僧兩傍無耳脚中肉自成圈離離有章此章魚之所由名也亦有因脚硯磊怪異呼爲癩魚凡有

數種有名長脚姨名候水俱至秋冬而肥狀與章魚相類而章魚實別一種其最小者首員如彈丸傍有兩耳大不盈寸名胡泥生于春最大者爲石巨生岩中頭大如升脚長數尺重可十數斤海上人小豚遊于水濱多爲負去諺云石巨捲豚反爲豚所捲亦極言其大耳

### 鰻鱧

海鰻江鱧善攻岸碕又善升木水居畏之旣愈人疴復禪牛肥驅蟲如掃茲功亦奇

黃衷海語鰻鱧大者身徑如磨盤長丈六七尺鎗嘴鋸齒遇人輒鬪數十爲隊恒隨盛潮陟山而草食所經之路漸如溝澗夜則鹹涎發光船人以是知鰻鱧所集也燃灰厚布所開路執鏢戟諸器羣謀而前鰻鱧循路而遁遇灰體澀不可窺移時乃困船人恣殺之皮厚近寸食之美于肉也○圖經云是蛟蜃之類善攻碕岸使輒頽迤江河居人酷畏之歙州出一種背有五色文其功最勝出海中名海鰻與江鰻相類而大功用亦同又名慈鰻又名獨狗魚陶弘景云

身魚圖卷三  
三  
鱧魚味甘形如鮠能緣樹食藤花作脯佳陳藏器  
云狗及牛瘦取一二枚短小者以竹筍從口及鼻生  
灌之立肥張鼎云燒烟熏蚊令化爲水熏匱及屋舍  
竹木斷蛀蟲寘骨于衣箱斷諸蠹○埤雅似鱧而大  
有雄無雌以影漫鱧而生子趙辟公雜說云影漫于  
鱧則其子皆附鱧之鬣鬣而生故名一曰鮎亦產鱧  
蓋其乳子三分之一爲鮎其一鱧也○李時珍云狀  
如蛇背有肉鬣連尾無鱗有舌腹大者長數尺脂膏  
最多背有黃脉者名金線鱧鱧此魚善穿深穴汪石

山云小者可食重四五斤及水行昂頭者不可食夷  
堅續志四目者殺人背有白點無腮者不可食○稽  
神錄有人病瘵相傳死者數人因取病者置棺中棄  
于江以絕害流至金山漁人引起開視乃一女子猶  
活取置漁舍每以鱧鱧呵之遂愈因以爲妻○紹興  
府龜山一井中有靈鱧時出見因名唐徐季海詩孤  
岫龜形在深泉鱧井開又鎮江北山有僧浚井得鱧  
魚二因名宋陸游詩鱧井初生一縷雲鮑郎山下雨  
昏昏鱗聲嘔軋秋空曉水際人家尚閉門又寧波阿

育王山下聖井有一丈鰻早禱有應奉化縣靈濟泉  
傳有九節鰻禱雨獲之輒應○漁書鰻魚身有珠滑  
不可捉生深海中者爲白鰻長五六尺重可數斤淺  
海爲青鰻有刺而軟黃者爲鮪龍小者爲油筋爲粉  
鰻又一種骨硬刺浮于肉名鱸骨人不食之生山澗  
中能緣樹食草花者名鱣鰻味絕肥而甘美○韓詩  
外傳南假程本本烹鱣魚以進曰此乃君子食也假  
曰高比者所以廣德也下比者所以狹行也吾豈自  
比君子哉志慕之而已

### 青魚

江有青魚其色正青泔以爲鮓曰五侯鯖枕如琥珀可  
以籠燈亦爲冠弁以啟麗婷

青魚以色名也大者名鱣魚俗名烏鰻狀似鱣而  
背正青色食螺蚌南人多以作鮓所謂五侯鯖是也  
臘月取膽陰乾用主治目昏○魚鮓卽青魚枕骨也  
可爲燈罩又作女冠大觀本草頭中枕蒸取乾代琥  
珀用之摩服主治心腹痛圖經云頭枕骨蒸令氣通  
曝乾狀如琥珀云可代琥珀非也荆楚取此枕煮拍

作器甚佳○六合縣南龍津橋下有鯖魚長數丈

鱖

黃帛其鱖石鼓棧鐫槎頭縮項味珍襄川詞林藻詠各  
播錦箋

石鼓文黃帛其鱖卽魴也腹內有肪味最腴美性宜  
活水爾雅翼小頭縮項穹脊博腹扁身細鱗色青白  
今之鱖魚漢水產尤佳常以槎斷水用禁人捕謂之  
槎頭鱖宋張敬兒爲刺史獻齊高帝一千八百頭卽  
此孟浩然詩魚藏縮項鱖又一種火燒鱖頭尾俱似

似魴而脊骨更隆上有赤鬣連尾如蝙蝠之翼黑質  
赤章色如烟熏故名其大有至二三十斤者

竹頭鱖魚

張揖廣雅柰竹頭鱖滇池所饒亦名竹丁鱖以爲鮓案  
酒薦馨

竹頭者鱖之別名滇池在今雲南府城南一名昆明  
池又桂海虞衡志竹魚出桂林湘灘諸江中狀如青  
魚大而少骨刺色如竹色青翠可愛鱗下間有朱點  
味如鱖魚廣南珍品又杭富陽山鱖魚形似鱖惟五

月有之○北戶錄金魚腦中有麤金狀如竹頭魚出  
邛婆塞江

### 鱒魚

鱒惟妾魚厥形如瓜亦名爲鰓同彼袞邪淫蟲相邇其  
味苦嘉

玉篇音枯又音區似鮒子而黑爾雅鱒鱒鰈歸婢妾  
魚也崔豹古今注江東人呼青衣魚爲婢鱒是也一  
云鱒歸小魚色黑楊赤今之旁皮鯽行以三爲率一  
頭前兩頭從之若媵妾然按卽本草鱒魚孟詵櫛化

之說謬惟鼯鼠化鱒鱒化鼯鼠劉績霏雪錄中紀之  
而李時珍云嘗見也○一統志大荒山在博白縣南  
一百五十里山上池中有婢妾魚大如楮兩翼及臍  
下有三條似練帶四尺許搖動有婢妾形故名○又  
婢魚名鱒音貴者大口細鱗身有斑點鰓魚身廣而頭  
銳細鱗而軟骨出於海似非鱒類見鮪箋

### 魮魚

魮魚味爽可非朝醒在晉虞郎獻于帝庭其方俱在食  
經可徵

詳目錄陶弘景云肉至能醒酒李時珍云無鱗魚也  
身尾俱似小鮎腹下黃背上青黃腮下有二橫骨兩  
鬚有胃羣游作聲如軋軋性最難死亦詳鱗箋

沙魚

沙魚二族胡沙白沙譽肖鮫魚其實稍差功入金匱名  
另日華

卽鯊埤雅鮎性善沉常沙中行蘇頌云鮫有二種南  
人通謂之沙魚大而長喙如鋸者曰胡沙性善而肉  
美小而皮粗者曰白沙肉彊而有小毒○爾雅名鮎

魚郭璞名吹沙俗名沙溝魚又名沙鯪時珍云此非  
海中沙魚乃南方溪澗中小魚也居沙溝中吹沙而  
游啞沙而食鮎者肉多形圓陀陀然也鯪大者長四  
五寸其頭尾一般大頭狀似鱗體圓似鱗厚肉重唇  
細鱗黃白色有黑斑點文背有鬚刺甚硬其尾不岐  
小時卽有子味頗美俗呼阿浪魚○詩義疏吹沙似  
鱗而狹小常張口吹沙長三尺許背上有刺螫人一  
名重唇齧鮎宜都出鑽沙魚大擬于指圓長于筍有  
黑點文此馬融賦所稱鮎廣志吹沙魚大于指行沙



中然宜都魛以四月五月出餘月無之蓋化爲鳥耳  
鑽沙乃俗名○海語魚麗之魛蓋閩廣江漢之常產  
海魛虎頭魛體黑文鼈足巨者二百餘斤常以春晦  
陟于海山之麓旬日而化虎蛟魛似蛟而鼻長皮可  
飾劍湖魛青色背上有沙髻鬣泡去外皮有絲作膾  
瑩如銀縵○雨航雜錄鯊春正月輒出魚最先至者  
海上魛甚多有白蒲鯊黃頭鯊白眼鯊白蕩鯊青頰  
鯊牛皮鯊斑鯊鹿文鯊狗鯊鱧鯊燕尾鯊虎鯊犁頭  
鯊香鯊熨斗鯊丫髻鯊劍鯊刺鯊鋸鯊烏鯊雷鯊凡

一十四種

鰾魚

土龍之屬苻莖苓根化而爲鰾黃白異壘

鱧鮠同抱朴子苻莖苓根土龍之屬化爲鰾有黃白  
二種白鰾出交趾○陶弘景本草鮠魚味甘大溫無  
毒云芹根所變或云人髮所化作臠食之甚補生水  
岸泥窟中冬蟄夏出亦名蛇鮓鰾越謀吳所進有湘  
沅之鰾○錄異記郟縣侯生于漚麻池側得鰾魚大  
可尺圍烹而食之髮白復黑齒落更生自此輕健○

談乘楊震傳鶴銜三鱣假借鱣字按爾雅注鱣長二三丈大數斗鶴焉能銜之且鱣灰色無文章鱣則黃質黑文卿大夫服之象故都講卜三鱣爲三公之兆耳○漁書云一種蛇變者名蛇鱣有毒害人南人鬻鱣肆中以缸貯水畜數百頭夜以燈照之蛇化者項下有白點通身浮上卽棄之或以蒜投缸中則羣鱣跳擲不已亦物性相制也

蘆鱣

音胞

蘆鱣之魚產蘆陵南俗以爲醬海氓所甘

南越志鱣鱣生山曲之間穴地爲窟泉源涌則此魚出今蘆陵以南至于南州有焉俗以爲醬

鱣魚

吳楚鱣魚其文如罽薦以上春美而多刺

亦作鱣是魚處處有之據多刺之說又非鱣類豈北地所稱黃花魚耶又合江一種鱣子魚文如鱣魚而美

鱣

音忌一作鱣

鱣一名鱣銳喙大腹長齒羅生上下相覆音混于鱣而

不同物

卽海豚也爾雅鱉是鯢郭注錯屬體似鱣尾如鱣大腹喙小銳而長齒羅生上下相銜鼻在額上能作聲少肉多膏胎生健啖細魚大者長丈餘江中多有之埤雅鱉魚亦有懷珠者○廣州元志有鱣鱣龍魚短頸魚之屬其尤大者鱉魚數年一至南海廟前至則必有疾疫或云名鯢鯢

海鱣

鱣全

魚之最巨曰海鱣爾舟行逢之不知幾里七日逢頭九

日逢尾產子仲春赤徧海水

水經海鱣魚長數千里穴居海底入穴則海水潮上出穴則潮退出入有節故潮候有期○玄中記東方之東大海舟行者一日逢魚頭七日逢魚尾遇魚產則百里水爲血○嶺表錄海鱣魚海上之最偉者也小者亦千餘尺一海船過南海見有山阻海東濤險而急又見十餘山或出或沒初甚訝之篙工曰非島鱣魚背也果見雙目閃爍如電須鬣若簸米箕一云似揚朱旗日中忽雨霹靂舟子曰此鱣魚噴氣水散于空

風勢吹來若雨耳○宋紀趙鼎謫珠崖自雷州浮海而南顧見洪濤間紅旗靡靡相逐而下疑爲海寇或外國兵革舟人搖手戒勿語惶遽入舟披髮持刀出蓬背立割其舌出血滴水中令使臣閉目坐船內凡經兩時頃聞舟人呼曰更生更生乃言頃所見巨鱗也能吞舟卽舟人平生未嘗覩○海語海鱗長者亘百餘里牡蠣聚族其背曠歲之積崇十許丈鱗負以游鱗背平水卽牡蠣啤吡水面如山矣船猝遇之如當其首輒震以銃砲鱗驚徐徐而沒猶漩渦數里船潦弄水卽晴

### 鯨

海有魚王是名爲鯨噴沫雨注鼓浪雷驚目作明月精爲彗星

崔豹古今注鯨海魚也大者長千里小者數丈一生數萬子常以五六月就岸生子至七八月導引其子

還大海中鼓浪成雷噴沫成雨水族驚畏一皆逃匿  
莫敢當者或曰穴處海底出穴則水溢謂之鯨潮互  
見續博物志○述異志南海有明珠卽鯨魚目瞳夜  
可以鑿謂之夜光廣州記死不見有眼睛而噴浪鬣  
于雲日○星經天魚一星在尾後河中此星明則海  
出大魚又淮南子鯨魚死而彗星出○東都賦注海  
岸有獸名蒲牢聲如鐘而性畏鯨鯨躍輒鳴故鐘鈕  
鑄作蒲牢形斲檀作鯨形

東海大魚鯨鯢之屬大則如山其次如屋將死岸上身

長丈六膏流九頃骨充棟木明月之珠乃是其目

魏武帝四

時食制

異物志鯨鯢長百丈大亦稱之雄曰鯨雌曰鯢或死  
于沙上得之者皆無目說者謂目化爲明月珠曹毗  
賦骸喪成島嶼之墟日落爲明月之珠○寰宇記漁  
人嘗于南海嶼得鯨頭骨如數百斛圍頂上一孔大  
于甕

嗟海大魚蕩而失水螻蟻制之橫岸以死輜重君海不  
可以徒策士之談譬其有理

具魚圖贊卷三 三  
說苑吞舟之魚蕩而失水制于螻蟻者離其居也○  
國策靖郭君將城薛客多以諫君謂謁者無與客通  
齊人有請者曰臣請三言而已矣靖郭君因見之客  
趨而進曰海大魚因反走君曰更言之對曰君不聞  
大魚乎網不能止鈎不能牽蕩而失水則螻蟻得意  
焉今夫齊亦君之水也君長齊奚以薛爲夫齊雖隆  
薛之城至于天猶之無益也君曰善乃輟城薛○木  
華海賦魚則橫海之鯨突杙孤游戛巖嗽偃高濤茹  
鱗甲吞龍舟喻波則洪連厥蹈吹澇則百川倒流或

乃踣蹬窮波陸死鹽田巨鱗插雲鬣鬣刺天顱骨成  
嶽流膏爲淵

異魚圖贊卷三終

異魚圖贊卷四

蜀新都楊慎用修甫著

仙井胡世安處靜甫箋

從子胡璐全較

螺貝蜃蚌海錯附

鼈

鼈廕海魴名曰匱鼈形大如麋出自沙灘一枚剖之有

三斛膏

音迷麻說文名匱鼈江賦名鼈廕臨海水志曰海

鮎實一物也生海邊沙中肉甚美多膏○臨海水土志鼈似龜一名鼈鼈狀似龜鼈而甲薄形大如龜味極美一枚有三斛膏或云腹如羊胃可啖○按蘆蕨卽蘧蔕海篇附載蝓音促秋似蝦蟇居陸地山海注蝓似蟇小而青或曰蝓一物名耳蝓音顛奚蝓類似蜘蛛出遼東土人食之

### 龜鼈

龜鼈頭鼈身蝦尾斑似玳瑁漫無甲指贖飾弓軸紉快增美

劉欣期交州記蚶蚌似毒瑁大如筮四足縵胡無指爪其甲有黑珠文朵斑似錦文但薄而色淺不任作器惟堪貼飾今之謂之鼈皮海錄碎事爾雅翼俱云然且言頭有兩角說文鼈屬頭兩角出遼東是也當卽奚善鳴者故从句或謂卽鱗鱗之小者并見前目錄李時珍謂龜鼈者南人呼龜皮之名也○臨海水土記形如龜鼈身其甲黃點有廣七八寸長二三尺彼人以亂瑇瑁肉味如鼈可食卵大如鴨卵正圓生食美于鴨卵卽雜俎係臂如龜入海捕之人必先



祭又陳所取之數則自出因取之若不信則風波覆船故楊孚嶺南异物贊云係臂如龜生于海州欲先捕之必祭以求有不信者風波覆舟

海月

海物正圓名曰海月指如搔頭有緣無骨海賦江圖藻詠互發

劉恂嶺表錄海月大如鏡白色正圓嘗死海旁其柱如搔頭尖其甲美如玉兩航雜錄云土人鱗次之爲天窗○本草卽作江珧一物陳藏器云蛤類似半月

故名水洙所化煮時猶變成水○江賦玉珧海月上肉石華謝靈運詩揚帆采石華挂席拾海月○漁書云海月一名蠔鏡圓似月似蛤而扁

海鏡

海鏡殼圓中甚瑩膩腹有小蟹朝出暮至或生剖之蟹子跂跂逡巡亦斃

嶺表異錄海鏡廣人呼爲膏藥一作葉盤兩片合以成形

殼圓而中甚瑩滑白照如雲母光內有少肉如蚌胎腹中有紅蟹子大如黃豆而螯足皆具海鏡饑則蟹

出拾食蟹飽歸腹海鏡亦飽或迫之以火則蟹子走出離腸腹立斃或生剖之有蟹子在腹中逡巡亦斃○任昉述異記南海有水蟲名曰筴蚌蛤之類也其小蟹大如榆莢開甲食則蟹亦出食筴合甲蟹亦還入爲筴取食以終始生死不相離此亦海鏡之類○江賦注瓊蛤一名海鏡南越志蠨蛤腹蟹注大長二三寸腹中有蟹子如榆莢合體共生漢志鄞有鮚埼亭顏注鮚卽蛤埼曲岸也其中多鮚因名○漁書海鏡肉似蠨有小蟹生焉爲鏡取食殼透明潔白取作

窗櫺可比琉璃水晶

海鏡蟹爲腹水母蝦爲目虛有感受羨補不足人固有之無惑乎物

首二句見越絕書及郭璞江賦述異記蠨蛤形似蚌有一小蟹在腹中爲蛤出求食蟹或不至蛤餒死人呼蟹奴○嶺表紀異水母形如覆帽腹下有物如絮而無口眼常有數十蝦寄腹下食其涎浮水上遇人捕之卽沉乃蝦有所見耳博物志東海有物狀如凝血從廣數尺方圓名曰鮚魚無頭目處所內無藏衆

蝦附之隨其東西人取煮食之北戶錄一名蚱一名石鏡篇海一名蝦蛇一名噴一名海靱音狀象柔皮○雨航雜錄鮓魚一名鰭一名樗蒲一名水母俗所謂海蜚也雨多水則是物盛其形如覆笠以蝦爲目蝦動則沉土人食之皆以土積其實損脾南人以爲性煖能治河魚疾

### 陵龍

陵龍之體黃身四足形短尾長有鱗無角南越海人嘉羞見逐臨海水土志本贊

或作陵龜見爾雅攝龜注或作神龍南越志神龍龜大如拳金色上甲兩邊如鋸齒爪至利能緣木捕蟬至美可食不中于卜或作石龍子按石龍子生山石間似蛇有四足頭扁尾長形細長七八寸大者一二尺有細鱗金碧色大都鱗介之產非目見未易意度也

### 山螭

嶺表螭螭是曰山龜人立其背可負而馳木楔其肉聲吼如牛叶魚其切巧匠琢之以爲梳篋

異魚圖贊卷四  
一名文龜廣志蜻螭形如龜出交州山龜在山上食  
草長尺餘○嶺表錄異蜻螭者俗謂之茲夷乃山龜  
之巨者人立其背可負而行產潮循山中鄉人採之  
取殼以貨要全其殼須以木楔出肉龜吼如牛聲響  
震山谷廣州有巧匠取其甲黃明無日脚者煮而拍  
之陷黑玳瑁花以爲梳篦杯器之屬狀甚明媚按甲  
上有散黑暈名曰脚○續搜神記鄱陽人黃赭入山  
采荆陽遂迷路數日忽見大龜赭更祝之曰汝是靈  
物而吾迷不知道今騎汝背頭向便是路龜卽從右

轉赭乘行十許里得溪水卽估客舟行者也○應劭  
云雄曰玳瑁雌曰蜻螭按諸蕃志玳瑁形似龜鼈首  
嘴如鸚鵡背負十二葉黑白斑文間雜邊欄缺齧如  
鋸無足而有四鬣前長後短以鬣捍水而行老者甲  
厚而黑白分明小者甲薄而花字模糊或曰取用必  
倒懸用滾醋潑之逐片應手而下出廣南產于海洋  
深處或云前兩鬣長狀如櫂後兩鬣極短其上皆有  
鱗甲背甲十三片斑文相錯鱗差以成一背海人養  
以鹽水飼以小鱗俗傳甲子庚申日輒不食謂之瑋

珣齋曰此則龜屬非山螭類矣○南州異物志璚珣如龜生南方海中大者如蘧蔭背上有鱗大如扇取下因見其文欲以作器則煮之因以刀截任意所作俟其冷以鮫魚皮錯治之後以枯條木葉瑩之卽光輝矣按史記趙欲誇楚簪劍器悉飾以璚珣續漢書輿服志貴人助蠶璚珣釵高文惠與婦書今致璚珣梳一枚晉潘尼有璚珣梳賦此物之珍尚也久矣

水螭

螭惟水龜海

一作涪

陵是育其緣中文其甲堪卜馮夷所命

切和靈曲

爾雅靈龜注涪陵郡出大龜甲可以卜緣中文似璚珣俗呼靈龜卽今螭螭龜一名靈螭能鳴郭璞贊水圓三方潛源溢沸靈龜爰處掉尾養氣莊生是感揮竿傲貴○南越志神龜出江水廬江郡嘗獻生龜于太卜冥舍神知爲效之大○說文螭以胸鳴其音如鼓雒神所云馮夷鳴鼓是也又漢郊祀歌馮夷切和注馮夷水神命靈螭也

海蛤

海蛤魁陸瓦瓏鑿殼外眉內渠形摯渾朴

萬震南州志贊

說文蛤有三種皆生于海蛤蠃千歲鳥所化也海蛤百歲燕所化也魁蛤一名復老服翼所化狀如海蛤圓而厚外有理縱橫卽今蚶也爾雅謂之魁陸○蘇恭云海蛤細如巨勝子光淨瑩滑者佳粗如半杏仁者名狔耳蛤不堪入藥沈存中筆談海蛤卽海邊沙泥中得之大者如碁子小者如油麻粒黃白色或黃赤相雜蓋非一類乃諸蛤之殼爲海水礧礪日久光瑩都無舊質不能分別爲何蛤故通謂之海蛤吳晉謂

海蛤頭有文文如鋸齒此乃魁蛤非海蛤也○侯鯖錄瓦瓏鑿殼渾沌錢文如建瓴外眉而內渠其名瓦礧注眉高爲眉渠疏爲渠按周禮典瑞駟圭璋璧琮琥璜之渠眉先鄭注皆開渠爲眉璩璩有圻鄂璩起後鄭云渠眉玉飾之溝璩也疏云六玉兩頭皆有孔又于兩孔之間爲溝渠于渠之兩畔稍高爲眉璩○雜俎蛤蜊候風雨能以殼爲翅飛海味索隱蛤與蚌同類而異形長者蚌圓者蛤海蛤蛤蠃蛤蜊齊蛤文蛤車螯姑勞蜆皆蛤也石蚶蛤也待春而叢生也石華

貝魚圖贊卷之四  
蛤也附石而零生也諸蛤皆產于海而又有黃蛤者甚佳贊云類若焦冥出于沙汀聚如繁星輕如蜂翎味如寧馨其于大者何不視之如丁丁而其于小者何不任之爲形形○蛤蜊生東海似蚌略小白腹紫唇兩片相合而生故曰蛤食之有利于人曰蜊又一種文蛤筆談名花蛤大者圓二寸小者圓五六分一頭大一頭小背上有花斑文本草注小紫斑者曰文蛤兩頭尖者曰齊蛤海上人云蛤蜊文蛤皆一潮生一暈又一種長橢者名馬刀小圓者名蜆又一種蛤

殼在海久被風濤廉稜消盡所存礪硯雜于泥沙有似碎石名海石皆入藥西王母云仙藥有白水鬻蛤又一種名擔羅蛤類也生新羅國彼人食之主治熱氣消食臨海志蘆雉似蛤蜊殼小薄耳○趙后外傳真臘夷獻萬年蛤光彩如月照人無妍醜皆美豔成帝以賜飛燕○象山志珠巖絕頂一潭中有蛤色如金出游水中雨隨至○漁書云凡蛤之屬閉口聞雷鳴則不復閉每一潮生一暈海人認最真文蛤表有文如水墨畫漳南有二種大如升者殼上有文及毛

小者文似但無毛耳潮州又有扁而長者味亦佳鄉中又有蛤螺赤背之名又一種似蛤而薄者名沙勞大都海產味不及江北

江瑤柱

當附海月志

江瑤柱

句

厥甲美

句音裕

肉柱膚寸名江瑤柱

萬震此贊尤古

臨海異物志玉珧柱厥甲美如珧玉晉安南異物名

記肉柱膚寸美如珧玉即江瑤也如蚌而稍大中肉

腥而腮

全

不中口僅四肉牙佳耳長可寸許圓半之

白如珂雪一沸即起甘鮮脆美莫可名狀此所謂柱

也○王氏宛委錄奉化縣四月南風起江瑤一上可

得數百柱以雞汁滷食肥美過火則味盡也○海味

索隱張將軍九嶼江瑤柱贊冠于石髓瓊漿美如瑤

雲腴露膏圓而柱玉鬚冰筋倘生北海伯夷不采西

山之薇以供赤松留侯永辟人間之穀笑說麟脂是

俗羹不堪大嚼屠門肉

今之馬甲柱古曰玉珧厥名之珍海圖所標昔人賞之

謂美無涯取類南來以配荔枝

雜俎玉珧似蚌長二寸廣五寸上大下小殼中柱炙



之如牛頭眩項○兩航雜錄玉珧一名蜃姚卽江瑤  
柱也柱肉脆美其甲可飾刀鞘蓋蜃之小者○惠州  
志一名馬頰出歸善縣韓退之所謂馬甲柱是也人  
有問東坡以荔枝風味云江瑤柱可敵之

紫鮐

蘭陵紫鮐江淹紫薑音銀是惟蚌類發華應春珠瑕錦蛤  
玉盤同珍

荀子東海有紫鮐卽石劫也江淹集海人有云石蚌  
一名紫薑蚌蛤屬也春而發華有足異者賦曰夫海

若之小臣具品色于滄溟旣爐天而鑄物亦喻化而  
滌霧比文豹而無恤方珠蛤而自寧冀湖濤之蔽迹  
願州渚以淪形升庵亦有賦○石蚶生東南海中石  
上殼如海螯其色紫可食一名石鮐或謂卽紫貝及  
石決明者非真臘記云有長八九寸者海味索隱石  
蚌土名龜脚又名佛手蚶皆以象形立名其肉端有  
兩黑爪至春月散開如花郭景純江賦瓊蚌晞曜以  
瑩珠石鮐應節而揚葩謝眺紫薑擘春流王維去問  
珠官俗來經石蚌春是也○漁書云仙人掌一名龜

脚生海礁上蚌屬上半爲硬殼如掌下半綠皮裏肉如龜脚大不盈寸江文通以爲紫薑郭景純以爲石

石決明

鰓句步切似蛤句無鱗有殼一面附石叶音錯細孔雜雜或

七或八

郭璞爾雅贊此贊尤奇入藥品者以七孔八孔者佳  
○北齊顏之推云鰓卽石決明內旁一年一孔至十二孔而止以合歲數登州所出其味珍絕光武時張

步據青徐遣使詣闕上書獻鰓魚卽此○陶弘景云鰓魚甲附石生大者如手明耀五色內亦含漿主治青盲失精續博物志名九孔螺嶺南郡及萊海邊皆有之形長如小蚌而扁外皮甚粗細孔雜雜內則光耀背側一行有孔如穿成者七孔九孔良生石崖上海人泅水乘其不意卽易得之否則緊粘難脫也功能明目故稱石決明○五雜俎北地珍鰓魚每枚三錢漢王莽啗鰓魚憑几不復睡後漢吳良爲郡吏不阿太守賜良鰓魚百枚又南齊有遺褚彥回三十枚

者每枚直數千錢古人已重之矣

### 東海夫人

東海夫人淡菜有殼形雖不典而益惟箔求以象類堪爲一噓

陳藏器云東海夫人生東南海中似珠母一頭小中銜少毛味甘美南人好食之阮氏云淡菜生海藻上故治癭與海藻同功日華云雖形狀不典而甚益人煮熟食之能補五臟益陽事但多食令人頭目悶暗得微利卽止○掌禹錫嘉祐本草名淡菜浙人呼殼

菜一名海蛭孟詵云平時燒食卽苦不宜人與少米先煮熟後去毛再入蘿蔔或紫蘇或東瓜同煮卽更妙○唐明州歲貢淡菜蛤蚶州守孔戣奏罷之○漁書云淡菜形似蚌而小肉酷肖人陰生剖之肉白如玉○元伊世珍瑯嬛記海產多肖人形咸車類男陰文鬻類女陰文鬻卽淡菜亦名東海夫人

### 海牛

海牛魚皮潮信可卜潮至毛張潮退則伏刻象押簾招風斯速

述異記東海有牛魚其形如牛海人採捕剝其皮懸之潮水至則尾起潮水落則尾伏博物志亦云○臨海水土記魚牛象獺大如犢子毛青黃色其毛似氈知潮水上下一云東海有半體魚狀如牛剝皮懸之潮至則毛起潮去則毛伏詩義疏魚之大而有力者魚羶將潮將雨毛皆起潮還天晴毛則伏常千里外知海潮是也○陳藏器云生東海其頭如牛一統志牛魚出女直混同江大者長丈餘重三百斤無鱗骨其肉脂相間食之味長異物志南海有牛魚一名引

魚重三四百斤狀如鱧無鱗骨背有斑文腹下青色知海潮○本草海牛生東海角硬尖銳有紋身有龜背文蒼色腹黃白色有筋頂花點尾象魚主補腎今人房中藥多用之○山東志文登縣北海中海牛無角長丈餘紫色足似龜尾若鮎魚性捷疾見人則飛赴水皮堪弓韃脂可燃燈

### 大蟹

女丑大蟹其廣千里舉螯爲山身故在水海陽專車曷云其比

大荒東經女丑有大蟹廣千里又海內北經姑射國  
大蟹在海中亦千里之蟹○汲冢書海陽巨蟹其殼  
專車○有海賈忽見兩山出于波間各高數丈已忽  
沒舟人云此蟹螯也詳廣異記

### 彭蠡

爾雅彭蠡玄經郭索均爲蟹謚蠡訛以越梁王醢化茲  
乃臆說

爾雅蠡蟬小者蠡郭注卽彭蠡也似蟹而小蠡蟬亦  
其類食之誤人矣○太玄經銳前一蟹之郭索後蚘

黃泉墨客揮犀林逋詩艸泥行郭索注蟹行貌太玄  
蟹之郭索用心躁也又高似孫蟹賦其武郭索其行  
睢眙其心易躁其腸實枯○古今注蠡蚘小蟹生海  
塗中食土吳人蠡訛作越遂附會其說謂漢祖醢彭  
越置其肉于江化此○傅肱曰蠡蚘者二月三日盛  
出于海塗吳俗尤所嗜尚歲或不至則指爲禁烟謂  
非佳節也今通泰其類實繁然有同蠡蚘差大而毛  
好穴處曰畝中名蠡蚘毒不可食

### 沙狗

蟹有沙狗亦似螳螂穿沙爲穴見人則蟄曲徑易通了  
不可得

爾雅翼沙狗似螳螂壤沙爲穴見人則走不可得出  
南海○雨航雜錄沙狗穴沙中見人則走或曰沙鈎  
從沙中鈎取之也味甚美

### 擁劍

蟹有擁劍一螯偏大隨潮退殼隨退復裹力能鬪虎利  
其戟到

吳都賦注擁劍蟹屬從廣二尺許有爪其一螯偏大

穴者如人大指長二寸餘常忌護之如珍寶其利如  
劍故名其一螯尤細主取食雜俎擁劍一螯以大者  
鬪小者食是也○古今注擁劍一名執火以其螯赤  
也埤雅一名桀步按爾雅翼隨潮退殼者攤塗力能  
鬪虎者螳螂贊混舉矣

### 招潮

蟹有招潮遡月而翹背向不失與潮相招蟲物有知云  
誰之教

一名望潮似螳螂生海中潮至出穴而望可食爾雅

翼小如螳蜴殼白見潮欲來出穴舉螯迎之故名  
倚望

蟹有倚望常起顧睨東西其形兩翹八肢望常如此入  
穴乃止

爾雅翼汪倚望如螳蜴青色進輒舉兩螯以望

石蛭 蜂江 蘆虎

蟹有石蛭蜂江蘆虎石殼鐵卵不中鼎俎好事取之充  
畫圖譜

文登呂亢多識艸木蟲魚守台州臨海命工作蟹圖

凡十有二種一曰蝤蛸乃蟹之巨者兩螯大而細  
毛如苔八足亦皆有微毛二曰撥棹子狀如蝤蛸螯  
足無毛後兩小足薄微濶其大如升南人皆呼爲蟹  
八月間盛出人取之與人鬪螯甚巨往往能害人三  
曰擁劍狀似蟹而色黃其一螯偏長三寸餘有光四  
曰螳蜴螯微毛足無毛以鹽藏而貨于市爾雅螳蜴  
音澤小者螳蜴螳吳人呼爲彭蠡搜神記言此物嘗通  
人夢自稱長卿臨海人多以長卿稱之五曰竭朴大  
于螳蜴殼黑斑有文章螯正赤常以大螯障日小螯

取食六曰沙狗似螿蝟壤沙爲穴見人則走屈折易道不可得七曰望潮殼白色居則背坎外向潮欲來皆出坎舉螿如望不失常期八曰倚望亦大如螿蝟居常東西顧睨行不四五又舉兩螿以足起望惟入穴乃止九曰石蝟大于常蟹八足殼皆赤狀如鵝卵十曰虾音流江如蟹兩螿足極小堅如石不可食十一曰蘆虎似螿蝟正赤不可食十二曰螿蝟大于蝟小于常蟹此皆常所見者北人罕見故繪以爲圖又海商言海中鼃鼃島之東一島多蟹種類甚異有虎頭

者有翅能飛者有能捕魚者有殼大兼尺者以非親見故不畫李履中得其一本爲作記○李時珍云生溪澗石穴中小而殼堅赤者石蟹也野人食之兩螿極小如石者蚌江也不可食○石蝟疑卽千人捏按雜俎形似蟹大如錢殼甚固壯夫極力捏之不死俗呼千人捏不死因名漁書作千人擘殼堅肉滿無隙可乘當有子時一擘而開乘其瑕也虾江似蟹而小有十二脚○爾雅翼蘆虎似螿蝟兩螿正赤不可食南海出



車螯

海物惟錯車螯蠓蚶眉目內缺鑿殼外緘瓦礫何異庖厨是堪

釋名蜃屬俗訛作昌娥李時珍云其殼色紫瑳粲如玉斑點如花海人以火炙之則殼開取肉食之主治解酒毒消渴并癰腫○南史何胤侈于味後欲去甚者門生鍾岵曰車螯蚶蠓眉目內闕慚渾沌之奇獷殼外緘非金人之慎不悴不榮曾草木之不若無聲無臭與瓦礫其何殊故宜長克庖厨永爲口實○或

云蛤蜊大者蘇頌云肉似蛤蜊而堅硬不及梁元帝

啟車螯味高食部名陳物志蛤蜊聲重前論見珍若

士見淮南子並東海波臣西王母藥雀文始化燕羽猶存

體潤珠胎形隨月減○漁書車螯亦蛤類大小不等

大者如拳土名沙蜆小者如指土名沙白小之味甚

于大其殼光滑如佳磁○江賦注瓊蚌似車螯潔白

如玉臨海水土記似車螯而角不正者曰移角似車

螯而殼薄者曰姑勞似車螯而小者曰羊蹄出羅江

昔人皆謂雉化者乃蛟類之蜃陳藏器羅願謂卽蛤

類之蜃似誤

蠺房

海曲蠺房或名蠺山眉渠磊砢牡牝異斑肉曰蠺黃醢  
味海蠻

本經名蠺蛤別錄名牡蛤異物志名賁或名蠺按房  
音傍讀如阿房之房○張九嶼蠺贊蜂房水窩幾千  
萬落附石以生得潮而活所茹海藻所吞月魄貯白  
玉甌雲凝霧結沁甘露漿涎流溢咽是無上味形容  
不得○陳藏器云天生萬物皆有牝牡惟蠺是鹹水

結成塊然不動陰陽之道何從而生雜俎亦云李時

珍謂蛤蚌之屬皆有胎生卵生獨此化生純雄無雌

故得牡名本草云生東海池澤是百歲鵬一作蠺所化

十一月采以大者佳其生著石皆以口在上舉以腹

向南視之口斜向東則是左顧道家以左顧者是雄

名牡蠺右顧者名牝蠺入藥用左顧者良蠺言其粗

大也○雨航雜錄蠺生著石塊礪相連如房一名蠺

山初生海島邊纔如拳石四面漸長有一二丈者嶄

巖如山每房有蠺肉一塊大小如房廣狹大房如馬

蹄小房如人指面每潮來則諸房皆開有小蟲入卽  
含以克腹海人取之皆鑿房以烈火逼開取肉食之  
漁者于海淺處植竹扈竹入水纍纍生礪斫取之名  
曰竹蠣文選玄蠣磈礫而喂礪注長七尺形如馬蹄  
又謂梅花蠣是物除熱補傷澀精益血土人用以爲  
醬曰蠣黃醬樂清縣新溪口有蠣嶼方圓數十畝四  
面皆蠣其味偏好○合澗有牡礪名蠔南人重之語  
曰得合澗一蠔亦足以豪韓文公詩蠔相粘爲山十  
百各自生宋翟忠惠焦山詩僧居蠔山迷向背佛宇

蜃氣成吹噓○王敬美閩部疏蠣房雖介屬附石乃  
生得海潮而活凡海濱無石山溪無潮處皆不生余  
過莆迎仙寨橋時潮方落兒童群向石間剔取肉去  
殼連石不可動或留之仍能生其生半與石俱情在  
有無之間殆非蛤蚌比也後漢書鮫魚注云云見前石決  
贊卽以狀蠣房何所不可南蠣北鮫故是造化介生

別構○漁書牡蠣味甘無毒食之美顏色海澄蠔肉  
大如掌色白于粉二三月間肥福寧永嘉各處生者  
大如指名蓮子蠔比海澄尤佳閩粵人煉殼爲灰作

室築壙甚堅○韓保昇云又有螻蛄形短不入藥品  
雷斅云石牝礪頭邊皆大小夾沙石真似牡蠣只是  
圓如龜殼海牡蠣可用但丈夫服之令人無髭驗真  
牡蠣以鑿千年琥珀拭之隨手走起者是也

蚶子音慈

蚶爲蚌屬文似瓦屋殼中有肉紫色滿腹縱橫其理五  
味具足盛弘之荊州記

舊贊蚶子蚌屬形如瓦筒從橫厥理五味具克又云  
千歲蝙蝠化爲魁陸別名爲蚶形如瓦屋又張九嶼

頌內柔而茹外剛而錯惟柔乃食其肉惟剛幾磨其  
殼茹其肉弃其殼蚶乎蚶乎其贊食指之甘而扶糟  
丘之酣者乎○嶺表錄異蚶子蓋蛤蚌之類南人名  
空慈子頂盧均尚書移鎮嶺南改名瓦屋子以其殼  
上有稜如瓦壠子故名殼中有肉紫色而滿腹廣人  
猶重之多燒以薦酒俗呼天嚮炙食多卽壅氣背膊  
煩疼未測其性也○臨海異物志蚶之大者徑四寸  
背上溝文似瓦屋之壠肉味極佳今浙東以近海田  
種之謂之蚶田○別錄魁蛤生東海正圓兩頭空表

有文陶弘景云形似舫輕小狹長外有縱橫文理云  
是老蝠所化韓保昇云今出萊州形圓長似大腹櫛  
榔兩頭有孔○江賦紫蛭如渠洪蚶專車五雜組蚶  
大者如斗可作香爐

貝

夏玄周錦貨貝以市研螺暈紙光我髦士厥有神功消  
霧寧水豈特把玩止娛童子

鹽鐵論夏后氏以玄貝詩成是貝錦貝文如錦也張  
融集綺貝繡螺南方記斑貝羸大者圍之得六寸採

賣之以易緯青相如傳鈞紫貝注紫質黑文古以爲  
貝南越王獻文帝紫貝百五左思賦紫貝流黃山海  
經邽山濛水出黃貝說文古者貨貝而寶龜用以交  
易以二爲朋○桂海虞衡志貝子海傍皆有之大者  
如拳上有紫斑小者指面大白如玉東方朔傳齒若  
編貝指小者耳○春秋運斗樞瑤光得則江吐大貝  
漢食貨志大貝牝一作壯貝么一作公貝小不成貝此五  
種其中以相與爲朋非總五貝爲一朋也埤雅貝二  
爲朋貝出日南漲海中亦介蟲也肉如科斗而有首

尾以其背用故謂之貝滇人呼巴兒○蘇頌云貝子  
貝類之最。小者亦若蝸狀。長寸許。色微白。赤有深紫  
黑者。今多穿與小兒戲。要北人用綴衣及氈帽爲飾。  
髭頭家用以飾鑑。畫家用以研物。○小白貝大如拇  
指。項長寸許。背腹皆白。諸貝皆背隆如龜。背腹下兩  
開相向。有齒刻如魚齒。魏子才六書精蘊云。貝介蟲  
也。背穹而渾。以象天之陽。腹平而析。以象地之陰。貝  
類不一。按爾雅在陸曰賧音標在水曰蚶音蚶大曰鮡音鮡  
小曰鱗音脊黑白玄赤曰貽黃質白文曰餘貶音池白質

黃文曰餘泉博而頽曰虵大而險曰蝮音困小而橢曰

鱗音上爾雅翼古者貨貝而寶龜周則有泉至秦廢

貝而行錢故釋魚于貝之名色尤詳而古者貨賂貢

賦賞賜凡屬于貨者字皆从貝至王莽反漢猶以貝

四寸八分以上至寸二分爲五品故有大貝壯貝么

貝小貝之名不盈六分不得爲貨今大貝出日南漲

海中可以爲酒杯今此物旣不復爲貨晉宋間猶以

飾軍容服物蓋魯頌稱戎服之盛有貝冑朱纓則以

貝爲飾舊矣今但髻頭家用以飾鏡帶耳大者爲珂

黃黑色其骨白可以飾馬此等飾非特取其容兼取其聲故說文負蘇果切貝聲也○相貝經朱仲受之于

琴高嚴助為會稽太守仲嘗遺以徑寸之貝并致此

文曰黃帝唐堯夏禹三代之貞瑞靈之秘寶其有次

此者貝盈尺狀如赤電黑雲謂之紫貝玄質紅黑謂

之朱貝青地綠文謂之綬貝黑文黃畫謂之霞貝紫

愈疾朱明目綬消氣鄣霞伏蛆蟲雖不能延齡增壽

其禦害一也復有下此者鷹啄蟬脊以逐溫去水無

奇功貝大者如輪文王請大秦貝徑半尋穆王得其

殼懸于昭觀秦穆以遺燕鼃可以明目遠察宜玉宜

金南海貝如珠礫或白駁其性寒其味甘止水毒淨

貝使人寡無以近婦人黑白各半是也濯貝使人善

驚無以親童子黃唇點齒有赤駁是也雖貝使人病

瘡黑鼻無皮是也嚼貝使胎消勿以示孕婦赤帶通

脊是也慧貝使人善忘勿以近人赤熾內殼赤絡者

是也營貝使童子愚女人淫青唇赤鼻是也碧貝使

童子盜脊上有縷句唇是也兩則重霽則輕委貝使

人志強夜行伏迷鬼狼豹百獸赤中圓是也兩則輕

齊則重○山海經陽山濁洛之水注千蕃之澤中多  
文貝又陰山漁水中多文貝又邽山濛水多黃貝又  
赤水之東蒼梧之野有文貝○毛詩義疏貝鼈龜屬  
又有紫貝白質如玉紫點爲文皆行列相當大者有  
徑一尺六寸今九真交趾以爲杯盤寶物也○萬震  
南州異物志曰乃有大貝奇姿難儔素質紫飾文若  
羅珠不磨而瑩采耀光流思雕莫加欲琢靡踰在昔  
姬伯用兔其拘○徐衷南方記曰班貝贏大者圍之  
得六寸小者圍之得五寸在于海邊漁人時有得之

者大貝出諸薄巨延州土人採賣之以易絳青○劉  
欣期之交州記曰大貝出日南如酒杯小貝貝齒也  
善治毒俱有紫色○郭璞貝贊曰先民有作龜貝爲  
貨貴以文采賈以小大簡則易資犯而不過

蚌

萬物變蛻其理無方雀雉之化合珠懷璫與月盈虧協

氣晦望

郭璞贊補

墨子物有非其類而化者若牡礪蚌蛤無陰陽牝牡  
須雀鴿以化故蚌之化者能生珠專一于陰也○蚌



與蛤同類而異形長者通曰蚌圓者通曰蛤陶弘景云雀入大水爲蜃卽蚌也陳藏器云老蚌含珠殼堪爲粉○吳都賦蚌蛤珠胎與月虧全文心雕龍蚌病成珠淮南子明月之珠螺蚌之病而我之利也○呂氏春秋月望則蚌蛤實群陰盈月晦則蚌蛤虛群陰缺淮南子月死而螺蚌焦○鼈孚乳以夏蚌孚乳以秋又蚌聞雷聲則癡又海中小蚌曰蛭蚌大者如箕徐克南方記珠蚌殼長三寸在漲海中亦名珠母殼武人多以之飾帶色如銀母

蚌爲鷸諫今日不出明日不出必有死鷸鷸爲蚌諫今日不雨明日不雨必有蚌脯兩國相爭不亡則傾兩國相鬪兵伏一作仗其後不鬪不爭鷸蚌兩生衍春秋後言戰國策趙且伐燕蘇代爲燕謂趙惠王曰川蚌方出曝而鷸啄其肉蚌合而相持鷸曰今日不雨明日不雨卽有蚌脯蚌亦謂鷸曰今日不出明日不出必見死鷸

螺

香螺文賸錦蛤珠龜視雷開閉與月盛衰明璣無脛走

于天涯

韻會本作羸大者如斗出日南周禮注一名蜺蜃音夷

繇本草蟲之羸形者也田螺生水田中形圓大如桃

李殼有旋文狀類蝸牛外剛內柔青黃色其肉視月

盈虧故王克云月毀于天螺消于淵淮南子蛤蜊珠

龜與月盛衰○蓼螺紫色有斑文味辛如蓼字亦作

蠡香螺曆可雜甲香老鈿螺光彩可飾鏡背紅螺色

微紅珠螺瑩潔如珠梭尾螺形如梭今釋子所吹者

不入藥又一種蝸羸一名螺螄小于田螺上有棱大

如指頭而殼厚于田螺惟食泥水春月人采置鍋中  
蒸之其肉自出酒烹糟煮食之清明後其中有蟲不  
堪用矣此物難死誤泥入壁中數年猶活今寧波出  
泥螺狀如蠶豆可代克海錯○蘇頌云流螺大如小  
拳青黃色長四五寸諸螺中此肉味最厚南人食之  
桂海虞衡志青螺狀如田螺其大兩拳揩磨去麤皮  
如翡翠色雕琢爲酒盃鸚鵡螺質白而紫頭如鳥形  
狀如蝸牛殼磨治出精采亦可琢盃南州異物志甲  
香大者如甌面前一邊直攙長數寸圍殼岨嵒有刺

其曆雜衆香燒之益芳獨燒則臭又有小甲香狀如螺子取其蒂修合成也李義山所云沉香甲煎爲廷燎卽此越大夫種曰吳大饑民移就蒲羸于海濱注蒲羸蚌蛤屬○漁書云螺古文通作蠡種類最多其形有大如甌者如升如碗如拳者如指頂者其色有斑文有黃白有蒼有黑其殼有吹作鼓角者有可以盛水盛花者有可爲酒杯者其肉皆中食品名號不一吹者名響螺視夷螺爲大盛水者名甌螺以狀似甌也杯勺者名孔螺身有刺孔卽鸚鵡螺如拳者爲

香螺黃螺花螺小者爲珠螺爲青茵爲海獅不可盡紀

### 蜃

蜃乃雉化氣成樓臺摩殼以耨始于姬郃農耨从辰文有自來

月令雉入大水爲蜃晉語雉入于淮爲蜃說文雉雀虬皆化蜃古人多以作器皆注大蛤也周禮掌蜃或以飾物或以化灰○埤雅蜃噓氣成樓臺將雨卽見望之丹碧隱然如在烟霧高鳥倦飛就之以息氣輒

異魚圖贊卷之四  
吸之而下俗謂蜃樓史記天官書海旁蜃氣成樓臺  
或名蜃脂和臘爲燭焚之香聞百步烟出其上皆成  
樓臺之形○篆書農耨皆从辰以古者摩蜃而耨也  
○雜兵書渭水出氣如蜃蜃形如蛇而大腰以下鱗  
盡逆食燕子一曰狀似螭龍有角有耳背鬣作紅色  
世云雉與蛇交而生蜃又云蛇求于雉則爲蜃故三  
物常异而同感也按蜃有蛤蜃蛇蜃二種

廡

廡式玉度蚌象寶交螺書螭籀篆刪蟲珣取類斯大稱

名則猶何傷磊落無損賢豪

廡蚌之狹而長者見周禮一名馬刀別錄云生江湖  
池澤及東海取無時陶弘景云生江漢長六七寸食  
其肉似蚌陳藏器云一名齊蛤生海中狀如蛤兩頭  
尖小○易離爲蚌爲廡廡之形銳蚌之形刻皆外剛  
內柔而性又善麗故也寶交見京房易傳○唐崔融  
贊神禹响嶺碑云龍畫傍分螺書匾刻徐楚金言篆  
法貴螭匾螭音果其字从虫从辟當作螭隸變作螭  
今訛作螭見湘山野錄稍小也見史記叙傳

異魚圖贊箋卷之四 終